

14
Q. B. F. F. Q. S.
DISSERTATIO. HISTORICO. CRITICA
DE
HONORIBVS. MEDICORVM
APVD. VETERES

Q V A M
P R A E S I D E
VIRO. PLVRIMVM. REVERENDO. CLARISSIMOQVE
D O M I N O
M. CHRISTOPHORO. WOLLIO.

S. S. THEOLOGIAE. BACCALAVREO. ET. AD
D. PETRI. CATECHETA.

STVDIORVM. SVORVM. ADHVC. MODERATORE
LONGE. HONORATISSIMO
IN. ACADEMIA. PATRIA
D. VIII. APRIL. cId. lccc. XXXII

H. L. Q. C.
PVBLICE. TVEBITVR
AVCTOR

POLYCARPVS. FRIDERICVS
SCHACHER

LIPSIENSIS.

L I P S I A E
LITTERIS. IO. CHRISTIANI LANGENHEMII.

THE UNIVERSITY OF CHICAGO

LIBRARY

1911

1911

1911

1911

1911

1911



DISSERTATIO. HISTORICO. CRITICA
DE
HONORIBVS. MEDICORVM
APVD. VETERES

ΣΥΝΟΨΙΣ.

Initio exhibetur specimen honorum, quibus antiqui ornarunt Theologos, §. I. et Iureconsultos, §. II. Tum vero praesens institutum indicatur, quia nimirum ratione acturi sumus de honoribus MEDICORVM apud veteres, §. III. Horum auctor est, si rem ipsam putes, ipse DEVS, qui rerum naturalium cognitionem primo homini concessit, ipsamque naturam medicamentis locupletavit, §. IIII. Hinc ostenditur, quomodo coluerint medicos prisca AEGYPTII, §. V. IYDAEL, MOSE praecunte, nec non SINENSES et MALABARES, §. VI. In primis GRAECI, qui Medicos in DEORVM numerum retulerunt, titulisque τῶν

Σωτῆρων et Θεῶν ἐπιφαιῶν ornarunt, §. VII. Ex his, praeter alios, eximii eminentesque adducuntur, ut APOLLO, §. VIII. Et AESCVLAPIVS, huiusque honores Pergameni celeberrimi, §§. VIII, X. Honores Aesclepiadarum, §. XI. Docetur porro, qualem honorem Medicis attulerint Scholae in Graecia erectae, nec non REGES MEDICI, §. XII. POETAE ac PHILOSOPHI MEDICI, §. XIII. Honores HIPPOCRATIS COI, et sui aevi medicorum, §§. XIII, XV. Post huius aetatem ARISTOTELES alique ob Medicinae peritiam ab ALEXANDRO M. honestati sunt, ubi et insignes Medicorum honores apud ARABES

commemorantur, §. XVI. HEROPHILI et ERASISTRATI sectatores a Smyrnaeis olim NUMMIS sunt ornati, qui describuntur, §. XVII. XVIII. His expositis, sequuntur honores Medicorum apud ROMANOS, ubi distincte exponitur, quisnam medicinam primus Romam transtulerit, et an eadem exsul fuerit, §§. XVIII. XX. Tunc etiam lis, an seruilis apud Romanos Medicorum conditio fuerit, cum cura dirimitur, ad vindicandos nimirum Medicorum

honores, §§. XXI. XXII. XXIII. XXIII. Ceterique honores Romani adduntur, §. XXV. Neque omitti debuit APOLLONIVS ille TYANENSIS, ubi inquiritur, quacnam eius fuerit medicina, §. XXVI. Et ficta simul eiusdem Ἀποθέωσις, reiicitur, §. XXVII. Postremo loco adicitur specimen honorum, quos prisca CHRISTIANI quibusdam Medicis habuerunt: his enarratis, EXPLICIT DISSERTATIO, §. XXVIII.

§. I.



I verum est, quod nemo dubitat, Urbis lumen, M. T. CICERONEM, gloriam verae virtutis fructum, amplissimumque praemium, iure meritoque appellasse: a) non erit infitiandum, homines eruditos, qui, debitis solidioris doctrinae praesidiis instructi, de re publica praeclare insigniterque merentur, in primis etiam dignos esse, quos omni prosequamur veneratione. Hanc rem intellexisse veteres, maximi, iique interdum nimio magni, honores argumento sunt, quibus homines eruditionis laude insignes ornarunt, siue THEOLOGOS, siue ICTOS, siue denique MEDICOS consideremus. Excito testem ipsam ΘΕΟΛΟΓΟΥ appellationem, qua ii omnes, qui λόγον περὶ τῶν Θεῶν quacunque ratione promouebant, olim insigniebantur. Quanto enim maior religio erat, qua deos profanae suspiciebant gentes, tanto excellentiorem iis, quibus sacra deorum curanda erant, habere honorem, sui existimabant officii. Hinc, qui primas rerum origines, nec

a) in PISON. cap. XXIII. et pro MILONE cap. XXXV.

nec non deorum genealogias, apud Orientis populos, Aegyptios in primis, atque Phoenices vřitatas, descripserat, SANCHVNIA THON, id nominis retulit. Cui rei indicio eřře videntur fragmenta, quae, tanquam feruatas e naufragio tabulas, ad nořtram vřque aetatem propagauit EVSEBIVS b) qui et: Ταῦτα μὲν, inquit, ὁ δηλωθεὶς ἀλήθειαν ὁμῆ καὶ παλαιότητα τῶ δὴ ΘΕΟΛΟΓΩ μαρτυρήσας. Haec ille, quibus istius THEOLOGI cum in scribendo veritatem, tum etiam antiquitatem claram testatamque reliquit. Sum enim in ea haeresi, verendum Patrem non ex suo pte ingenio, sed ex vřu gentium profanarum, hanc petiisse appellationem; quandoquidem et id, quod litteris mandauit, specimen sub nomine τῆς Φοινίκων Θεολογίας, disertè laudatur a THEODORETO. c) Neque hic loci silentio praetereundi poetae, HOMERVS, HESIODVS, ORPHEVS, EPIMENIDES, qui propterea quod Θεογονίας composuerunt, et caerimoniarum sacrarum, rerumque diuinarum haud erant imperiti, Θεολόγοι nominabantur, AVGVSTINO d) atque LACTANTIO e) auctoribus. Inter eos, quos excitauit, veteris Graeciae vates, primus a PORPHYRIO ΘΕΟΛΟΓΟΣ dictus est, idemque, sicut et ceteri omnes, communiter ORIGENI τῶν δογματῶν πατέρες, καὶ ἀρχαῖοι ΘΕΟΛΟΓΟΙ τῶν Ἑλλήνων honoris causa appellantur. Speciatim de HOMERO memoriae prodidit PHILOSTRATVS, quod ORPHEVM ἐν παιδοῖς τῶν κατὰ τὴν Θεολογίαν superauerit, in Heroicis, cap. II p. m. 693. ORPHEVM vero, DIODORVS SICVLVS refert, μεγάλην δόξαν παρὰ τοῖς Ἕλλησιν ἐπὶ μελωδίᾳ καὶ τελευσίᾳ καὶ Θεολογίᾳ, magnum apud Graecos honorem, carminum modulatione, sacrarumque rituum institutis, et diuinarum rerum explicatione consecutum, Lib. I. p. 20. Erat vero eorum, qui deos colebant, theologia triplex. Prima ΜΥΘΙΚΗ, quam poetae tractabant, historias deorum enarrantes: altera ΦΥΣΙΚΗ, cui philosophi erant dediti, naturam deo-

A 3

rum

b) Praeparat. Euang. Lib. I. p. 31.
c) Ἐν Θεραπεύῃ ἐλλήνων παθῶν, seu de curandis Graecorum affectionibus, Serm. II.

d) de Ciu. Dei L. XVIII. cap. XIII.
e) de ira Dei cap. XI. Add. PLUTARCHVS in Solone p. 84.

rum exponentes; cuius rei ergo PHERECYDES, Pythagorae, Philosophi Samii, praeceptor, ΘΕΟΛΟΓΟΥ nomine celebrabatur, de quo IOANNES OWENVS cum cura disse-ruit: f) et denique ΠΟΛΙΤΙΚΗ, quae in re sacra minus, quam in legibus ciuitatis, versabatur. Quandoquidem igitur hi omnes ΘΕΟΛΟΓΟΙ non sine quadam honoris significatione dicebantur, eos tamen hoc nomen insigniter ornauit, qui mysteriorum erant interpretes, quique deorum vaticinationes et oracula, atque adeo omnia, quae huc spectabant, interpretabantur; id quod haud inscite probauit GISBERTVS CUPERVS, g) vir elegantis ingenii. Occurrit autem vox non modo apud CICERONEM, ARNOBIVM, aliosque, verum etiam in nummis Q. HERENNII ETRVSCI MESSII DECII NOB. CAES. Perspicuum est enim, in antiquis nummis praecipuos honorum titulos repraesentari. Singularem eiusmodi DECII nummum, eumque Pergamenum, et maioris, vt vocant, moduli, exhibuit vir in hoc litterarum genere summus, EZ. SPANHEMIVS, in praestantissimo de vsu et praestantia Numism. Opere, Diss. VI. p. 593. edit. Amstelod. cl. loc LXXI. Exstat hinc huius HERENNII vultus cum inscriptione ΚΟΤΙΝ. ΕΡΕΝ. ΕΤΡΟΥΣΚΟΣ ΜΕΣ. ΔΕΚΙ. illinc vero duae apparent figurae, vna HERCVLIS stantis, qui dextra fulmen gestat, h) sinistra autem clauam IOVI porrigit sedenti, cum litteris ΕΠ. ΚΟΜ. Φ. ΓΑΥΚΩΝΟΣ. ΘΕΟΛΟΓΟΥ, infra ΠΕΡΓΑΜΗΝΩΝ. ΠΡΩΤΩΝ. Γ. ΝΕΩΚΟΡΩΝ. Qua postrema voce νεωκόροι dicuntur Pergameni, eo quod ipsis publica sacrorum, ludorum atque certaminum, in honorem deorum atque Augustorum instituendorum, cura saepenumero erat mandata. i) Ad hanc vero Θεολόγος appellationem

f) in Theologum. Lib. I. cap. I. p. 4.

g) in Apotheosi seu Consecratione HOMERI, p. III.

h) Solebant enim antiqui, vt notum est, ΗΕΡΕΥΛΕΜΚΕΡΑΤ-ΝΟΦΟΡΟΝ, id est, EVL-

MINE ARMATVM, repraesentare.

i) Hinc in nummis M. AVRELII LVCII VERI, aliisque, apud TRISTANVM, PATINVM, SPANHEMIVM, VAILLANTIVM, MORELLIVM, HAR-

nem quod attinet, sagaciter, ex mea quidem sententia, 10. HARDVINVS S. I. coniecit, ea hic loci sigillatim deorum, AVGVSTORVM et CAESARVM πανηγυριστήν designari, Opp. p. 139. Qua in re Pergamena me confirmat historia; quandoquidem AVGVSTVM ΘΕΟΝ ΣΕΒΑΣΤΟΝ ΠΕΡΓΑΜΗΝΩΝ duo appellant nummi, apud VAILLANTIVM, Num. Imp. P. II. pag. 51. et in Num. Imp. Graec. pag. 5. Noti quoque sunt ex GRVTERO atque SPONIO ΑΥΓΟΥΣΤΕΙΑ, siue latine *Augustalia Pergamena*, vt et ὁ Ἀγὼν ἰερός in honorem τοῦ ΣΕΒΑΣΤΟΥ celebratus, ex DIONE CASSIO Lib. LL. p. 58. Superfunt antiquitatis monimenta, in quibus ΘΕΟΛΟΓΟΥΣ καὶ ΥΜΝΩΔΟΥΣ, *theologos* et *hymnorum cantores* coniunctos inuenimus. Marmor habet THOMAS REINESIVS, in quo donaria in exstructionem et ornatum Gymnasii Smyrnenfis collecta recensentur, Syntagm. Inscript. Antiqu. p. 286. Equidem in eo cum viro erudito me haud coniungo, quod prioris nomine significari censeat, qui quouis modo circa sacra publica famulati sint, p. 289. Nec enim video, cur non, id quod vsus vocis vulgatus poscit, οἱ τῶν μυστηρίων ἐξηγηταὶ sint intelligendi. Sed haec res quoquo modo se habet, id tantum meum erat euincere, quod quidem pluribus verbis, quam mihi proposueram, peregi, venerabile olim apud gentes deorum cultui addictas THEOLOGORVM fuisse nomen.

§. II.

NEC vero minori in celebritate quondam IURECONSULTI versabantur. Vt enim alia tacitus omittam eius honoris indicia: satis mihi erit, NUMINA exempli gratia proferre, quae Iureconsultis prisci olim consecrauerant populi, suam erga eos venerationem testificaturi. Inter haec primi-

HARDVINVM, Περγαμῆναι πρῶτος δις aut τρεῖς Νεωεοροὶ frequentissime commemorantur. Sic in marmorea statua, GAIQ AVLIO AVLO IVLIO QVADRATO consecrata, quam in

ipfa Pergamo CAR. SPONIUS in Itiner. p. 140. sq. descripsit, legitur: ἡ Βελή καὶ ὁ δῆμος τῶν πρώτων Νεωεορῶν Περγαμηνῶν, s. p. q. primorum Neoeororum Pergamenorum.

primipilum ducebat CERES, ΘΕΣΜΟΦΟΡΟΣ Graecis, LEGIFERA Latinis, idcirco nominata. Primi etenim homines, qui in societatem coiuverant, agris colendis operam nauabant. Hanc vero artem ut CERERI acceptam eos tulisse, posteri profitebantur: ita eandem etiam legibus homines adstrinxisse, et suas cuique portiones diuidisse, sibi persuadebant. Inde leges ortae: hinc iura nata. Nobiscum con-
cinit OVIDIVS: k)

Prima Ceres vnco glebam dimouit aratro:

Prima dedit fruges alimentaue mitia terris:

Prima dedit leges. Cereris sumus omnia munus.

Ita et DIODORVS SICVLVS refert, τὰς παλαιὰς Ἑλλήνας τὴν Δήμητραν l) ΘΕΣΜΟΦΟΡΟΝ ὀνομάζεν, ὡς τῶν νόμων πρῶτον ἰφ' αὐτῆς τεθειμένων. m) Inde magna quidem festiuitate Θεσμοφόρια ob excellentia, quibus se CERERI deuinctos credebant superstitiosi, beneficia celebrabantur, quibus virgines honestaeque feminae, quae habebant sacerdotem suum, ΣΤΕΦΑΝΟΦΟΡΟΝ dictum, quod videlicet corona cinctus obiret sacra, praeerant, n) teste veteri inscriptione, quam e Graecia Venetias translatus lapis exhibet apud IANVM GRVTERVM, p. CIOXC VII. n. 3.

Η. ΣΥΝΟΔΟΣ. ΤΩΝ. ΜΥΣΤΩΝ. ΤΗΣ. ΜΕΓΑΛΗΣ. ΘΕΑΣ
ΠΡΟΠΟΛΕΩΣ

ΘΕΣΜΟΦΟΡΟΝ. ΔΗΜΗΤΡΟΣ. ΜΗΤΡΟΔΩΡΟΝ
ΕΡΜΟΓΕΝΟΥΣ

ΤΟΥ. ΜΗΤΡΟΔΩΡΟΥ. ΜΑΤΡΕΑΝ

ΣΥΜΑΡΤΥΡΑΝ. ΤΟΝ ΣΤΕΦΑΝΗΦΟΡΟΝ

Acces-

k) METAMORPH. Libr. V. Fab.
VI. v. i. 2. 3.

l) Discrimen, quod inter has duas φράσεις, Θέναι νόμον et Θεόδαι νόμον intercedit, exposuit LVDOLPHVS KVSTERVS, de vero Vsu verborum Mediorum apud Graecos, p. 124. seqq.
m) Numeranda haec appellatio

inter nomina CERERIS, quasi Δηὸ μήτηρ, vel δῆμων μήτηρ, vel etiam γῆ μήτηρ; id quod ex doricā διαλεκτῇ deriuat IOANNES TZEZES, antiquus ASCRAEI VATIS interpres.

n) Euolu. etiam THEOCRITI, poetae Syracusani, Explanator, ad Eidyll. III. v. 25. p. m. 82.

Aecessus ad haec sacra nulli patebat viro, quin etiam ancillae ab iisdem arcebantur. Hinc apud ARISTOPHANEM, ο) Αττικάταλον poetam, canunt mulierculae:

Ἠκεῖ εὐφρονες ἴλαιοι
Πότνιαι ἄλσος ἐς ὑμέτερον
Οὐ δὴ ἀνδράσιν ἔ
Θεμίλὸν εἰσπερᾶν
Ὅργια σεμνά Θεαῖν.

Ibidem p) hera arcet seruam his verbis:

σὺ δ' ἀπίθῃ ὧ Θεῶντι, ἐκ ποδῶν
Δέλοισ γὰρ ἐκ ἐξέσ' ἀκέειν τῶν λόγων.

Altera ICTORVM dea THEMIS erat, cuius tres filiae, ex secundis IOVIS nuptiis natae, EVNOMIA, IRENE, DICE, illum auxerunt numerum: quandoquidem Iustitiae sacerdotes ICTi hodieque dicuntur. His addenda cetera, vt IUSTITIA, AEQVITAS, PAX, CONCORDIA, FIDES, CONSVS, ANGERONA, et si qua sunt alia eiusmodi numina. Legat, qui plura cupit, ASCRAEVM VATEM, et eos, qui numina ICTis olim sacra, e veteri gentium memoria separatim collegerunt: in quibus numerandus CHR. GOTTH. WILISCH, vir doctissimus, nobisque amicissimus.

§. III.

QUEMADMODVM igitur Theologos atque ICTos lulentas honorum significationes ab antiquis retulisse, testatissimum existimo: ita HONORES etiam MEDICORVM APVD VETERES insignes eminentesque fuisse, nemo vnus erit, qui dubitet. Atque hoc illud est, quod in primo

B

hoc

Verba haec sunt: νόμος ἦν Ἀθηναίοις, κατ' ἔτος τελεῖν τὰ Θεσμοφóρια καὶ παρθένοι γυναῖκες καὶ τὴν βίον σεμνὰ, κατὰ τὴν ἡμέραν τῆς τελευτῆς τὰς νομίμας βίβλας καὶ ἱερὰς, ὑπὲρ τῶν κορυφῶν αὐτῶν, ἀντιθέσσαν, καὶ ὡς καὶ Λιτανοῦσα καὶ ἐπὶ ἤρχοντο εἰς Ἐλευσίνα.

Euoluenda, quae PL. REV. PRAESES habet de Tribunalibus Profanarum Gentium CHRISTO eiusque Legatis iure meritoque odiosis, p. XII. XIII.

o) in Θεσμοφοριαχέσσαις v. 1160. seq. p) v. 300. 301.

hoc academico specimine studiose persequar. Quandoquidem enim salutari arti, quam ab ineunte aetate mirifice adamaui, quaecumque meum consecrare ingenium institui: mea interesse putavi, si quam materiem Medicinae dignitatem atque praestantiam continentem, eandemque proprio Marte elaboratam, cum erudito communicarem orbe. In huius argumenti pertractatione ita sum versaturus, vt HISTORIAM perlustrem MEDICAM, q) et singula honorum Medicis olim attributorum vener vestigia: quorum si qua mihi occurrent, ea colligam, chartaeque mandabo. Initium statim capiam a CONDITO ORBE, et, quomodo Medicos antiquissimi honorauerint populi, ex antiquitatis monimentis exponam. Quum vero in eiusmodi rebus criticae artis subsidia haud spernenda sint: non erit alienum, ea quoque in consilium adhibere. Id statim initio profiteor, licet viribus destituar ad hoc propositum necessariis, ingenuum tamen veritatis inuestigandae conatum mihi non defuturum. IMMORTALEM DEVM impense oro, vt his coeptis meis propitius adsit, et gratia atque auxilio suo me, publice primum vires ingenii exiguas experturum, ad alia maioris momenti tentanda perbenigne excitet.

§. IIII.

IPSE supremus rerum omnium opifex, IMMORTALIS DEVS, arti medicae, atque adeo illius etiam cultoribus, haud sane erubescendam conciliauit auctoritatem, quoniam, dum elegantissimam admirandamque corporis nostri machinam construxit et aedificauit, medicam ei naturam, et ad tuendam

a) Decreui virum celeberrimum, IO. HENR. SCHVLZIVM ducem atque magistrum sequi, vt-pote qui Historiam Medicinae a rerum initio ad annum V. R. 1555. Lipsiae edidit, cio 1555. 28. 4. Huius historia eo magis mihi arrisit, quod R. P. DIONYSII PETAVII cal-

culos in doctrina temporum positos adoptauit. Hos igitur eosdem mordicus tenebo, quoad eius quidem fieri poterit. Vbi vero accurata temporis vestigia mihi haud licebit venari; restamen omnes in commodum locum referre conabor.

dam valetudinem accommodatissimam, largitus est, vnus idcirco salutaris disciplinae auctor iure meritoque celebrandus. Tanto autem magis eum inuentae Medicinae honorem sibi vindicat ille, quanto exploratius omnes habemus, vniuersam, quam latissime patet, naturam viribus ad medendum validissimis ab eo sic instructam esse, vt, si eandem veluti *Κέρας Ἀμαλθείας*, r) seu *Cornu Copiae* vtilissimis medicamentis refertissimum appellaueris, nihil, equidem credam, quod a vero absit, te affirmaturum. Hanc rem qui secum considerauit, GEORGIUS ERNESTVS STAHLIVS, medicus hodie celeberrimus, occasionem inde nactus est *de Deo verae medicinae auctore*, lectu dignissimam elucubrandi dissertationem, quam etiam Halae MDCCXII habuit. Quin et cum iis doctissimis viris facere non vereor, qui PRIMVM HOMINEM et rerum naturalium peritissimum, et idoneum naturae administrum, ipso DEO auctore, fuisse putant. Equidem cum illis me non coniungo, qui primi parentis scientiam ex ea, quae hodie vsu recepta est, eruditione pensantes, ipsum theologum, philosophum, astrologum, chemicum, mathematicum, atque adeo et MEDICVM EXIMIVM exercitatissimumque fuisse, sibi aliisque persuadere conantur. Hos aliis deridendos, nec inmerito, propinant PETRVS BAYLIUS, s) et C. A. HEVMANNVS, t) magna nomina. Mea sententia eo tantum collineat, vt credam, primum hominem, antequam a DEO descinderat, insignem rerum naturalium, quas medicina sibi vindicat,

B 2

habuis-

f) CORNV AMALTHEAE, tanquam abundantiae et fecunditatis symbolo vsi sunt antiqui homines. Nempe *Κέρας Ἀμαλθείας* in prouerbio dicitur, ἐπὶ τῶν ἀφένως τῇ παρεχόμενῳ τὰς τὴ πλατύνει ἀφορμὰς, de iis, qui assatim alicui diuitiarum penu copiamque praestant. Vid. ZENOBIUS, Prouerb. Cent. II. n. 48. ERASMVVS in Adagijs, ceterique Paroemiographi. Cete-

rum CORNV AMALTHEAE, eiusque Mythicam originem, copiose descripserunt EVSTATHIVS, Περὶ ὁμολ. in HOMERI Iliad. N. p. 817. ed. Rom. et PALAEPHATVS, de Incred. Hist. c. XLVI.

s) Dans le Dictionnaire Historique et Critique, voc. ADAM.

t) in Actis Philosophor. Part. VI. num. 1. §. VIII. X.

habuisse cognitionem. Ex his fatis, opinor, perspicuum erit, originem Medicinae esse egregiam, atque a rerum omnium auctore deriuandam. Quo minus igitur mirari conuenit, antiquos mortales illis, qui res naturae arcanas venabantur, magnum omnino statuisse pretium. Nam, si eorum omnium, quae in hac rerum vniuersitate cernuntur, vnumquodque eo praestantius est, quo clariora diuinitatis vestigia in eo conspiciuntur: dubitari non potest, quin medica scientia sit omnium praestantissima facultas, et, qui eandem colunt, homines quasuis honorum significationes mereantur.

§. V.

POSTEA vero, quam omnis bonitatis fontem deferuerat homo, et cum variis morbis, mortis nuntiis, confictari coeperat, dici non potest, quam insignem egregiumque artis medicae spectata necessitas veteribus medicis attulerit splendorem honestatemque. Confirmant hoc vltimi AEGYPTIORVM annales, apud quos medicis singularis hic contigit honos, vt in sacrorum hominum siue sacerdotum haberentur numero. CLEMENS enim ALEXANDRINVS, u) vir patriarum rerum haud proletaria imbutus notitia, disertis memoriae prodidit verbis, quo ordine in caerimoniis sacris iidem incesserint, in quo quidem postremum occuparint locum οἱ πασοφόροι, pallium gestantes, quippe quorum erat officium, vt sex MERCVRII ediscerent βίβλος, ΙΑΤΡΙΚΑΣ ἑσας, περὶ τε τῆς τοῦ σώματος καλᾶς καὶ νοσῶν καὶ περὶ ὀργάνων, καὶ Φαρμάκων, καὶ περὶ ὀφθαλμῶν, κ. τ. λ. libros, qui pertinent ad MEDICINAM, nempe de constructione corporis, et de morbis, et de instrumentis, et medicamentis, et de oculis. Iam vero, quanta sacerdotum apud profanas gentes fuerit dignitas, et constat inter omnes, et res ipsa loquitur. In primis haec qua ratione per hereditatem in posteros perpetua successione fuerit propagata, qua ipsi medici Aegyptii floruerint dignitate, et quam amplissime

u) Stromat. VI. p. 634. edit. FRID. SYLBVRGII.

plissime ipsorum fortunis prospectum fuerit, quantique ipsis fuerint reditus, nemo, quantum equidem scio, descriptius exposuit, quam DIODORVS SICVLVS. V) Idem etiam enarrat, καὶ ἡ ἐγγράφον νόμον, vel, vt ARISTOTELES loquitur, καὶ ἡ γραμμάτια, *ex lege scripta*, eaque a medicis antehac illustribus elaborata, non vero proprio et rationis et experientiae vsu medicos, vt tum erant tempora, culturam medicinae exercuisse; in quo quidem, meo iudicio, suae parum consuluerunt existimationi. Verum quum sapientis sit, necessitati parere: excusatius videntur peccasse. Ab his vero honoratioribus medicis, qui in sacerdotum cooptati erant collegium, ii cum cura sunt discernendi, qui ex ima plebis fece, domestica modo remedia, qui et hodieque mos obtinet, vulgaribus opponebant morbis. De his veterum testimonia interpretanda esse, plane mihi persuasissimum habeo; cuiusmodi est illud HOMERI, ΟΔΥΣΣΕΩ. v. 230.

Ἰητὴρ δ' ἑκάστος ἐπιτάμενος περὶ πάντων

Ἀνθρώπων. κ. τ. λ.

Quisque hominum ibi est medicus omnium peritus.

Sicilicet sacerdotes medici *acroamaticam*, proletarii vero homines *exotericam*, inter Aegyptios exercebant medicinam. Ne enim quiuis sine delectu homo, sutor an factor esset, integra inter Aegyptios ciuitate, quaestum ex medicina faceret, publica, eaque seueras poenas minante lege, cautum erat.

§. VI.

MOSES, quum in omnium Aegyptiorum arcanis haud leuiter eruditus esset, vt ipsae sacrae nobis indicant litterae, nec medicae artis imperitus fuisse videtur. Certe CLEMENS ALEXANDRINVS expressis scribit verbis: ὁ Μωϋσῆς τὴν ἰατρικὴν παρὰ τοῖς διατρέψεσιν Αἰγυπτίων ἐδιδάσκειτο, Stromat. lib. I. p. 343. Hinc ille ad ISRAELITAS, ciues suos, ea, quae de re medica ipsis cognita perspectaque fuerunt, retulit; quandoquidem is, XXXX annos natus, regiam deseruerat aulam, atque ad suos ciues, eosque vehementer

B 3

menter

menter etiam atque etiam vexatos, transferat. Sacrae docent paginae, in morbos acres et duros populum cecidisse Iudaicum: cui quum tribus Leuitica, sacerdotio assignata, peculiari quadam ratione praecesset, eidem quoque morborum cura erat mandata, ita quidem, vt homines aegroti a Deo, qui se vnum ipsorum fore medicum declarauerat, per sacerdotes auxilium exorarent. Hos autem viros, in magna dignitate constitutos, quoniam non dedecébat morborum curatio: patet inde, veteres Iudaeos multum fauisse medicis. SINESSES etiam, a quibus IAPONENSES non multum diuersi sunt, quanti Medicorum fuerint cultores atque patroni, vel eo haud parum luculenter declararunt, quod reges suos curandi artis iactent inuentores. Ad MALABARES vero quod attinet, hi quidem originem illius a Deo summo repetendam esse contendunt, opinantes, illam intra multas annorum myriades per manus traditam ad varios ordine deos successisse, donec ab his ad vates, atque a vatibus ad homines demum peruenerit. Pluribus verbis de honore, quem hae priscae gentes medicis habuerunt, exponerem, nisi antiquitatis mihi deessent monimenta. Eam praeterea legem mihi scripsi, meras me coniecturas, quae nulla se probabilitate commendant, procul hinc facessere iussurum. Ex his paucis vero, quae ex historia protuli, satis, opinor, perspicui potest, medicos ab antiquis populis haud fuisse contemptos, nec vilem eorum fuisse conditionem,

§. VII.

IAM non sine insigni voluptatis sensu ad antiquos GRAECOS me conuertam, aequisimos semper, sicut omnis *ἐγκύκλις παιδείας*, sic etiam Medicorum, aestimatores. Id vero vnum, non possum facere, quin vitio iis vertam, quod ad superstitionem vsque veteres honorauerint medicos. Illa primum tempora attingemus, quae HIPPOCRATEM COVM, atque adeo EXPEDITIONEM ARGONAVTICAM, cuius fere aetas in A. M. CIO IO CCXXI incidit, atque a C. N. CIO CCLXIII distat, haud adeo diu antecesserunt. Antiquissimus igitur, quo

quo medicos ornauit Graecia, honos ille fuit, quod iis VARIA consecrauit NUMINA. Scilicet homines arte medica excellentes, et egregiis suis inuentis factisque de humano genere praeclarissime meriti, a priscis gentibus in deorum numero habebantur, diuinisque colebantur honoribus. Egrege hanc in rem conuenire videtur insignis ille locus apud THEODORETVM, vbi sanatio inter causas gentilium Θεοποιίας disertis verbis memoratur: χρόνῳ δὲ ὑπερὸν καὶ τὰς εὐ τι δεδρακότας, ἢ ἐν πολέμοις ἀνδραγαθισαμένους, ἢ γεωργίας τινος ἀρεζονίας, ἢ σώμασι τισὶ ΘΕΡΑΠΕΙΑΝ προσενήνοχότας, θεοποίησαν τε καὶ νεὼς τέτοις ἐδέξαντο. *sequenti autem aetate eos quoque, qui humanum genus beneficio quodam affectissent, siue fortiter pugnassent in bello, seu terrae colendae rationem aliquam inuenissent, seu corporibus nonnullis SANATIONEM attulissent, delubris exstructis, in deorum numerum retulerunt.* x) Sollemne hoc seruabant Graeci, vt deos Medicos ΣΩΤΗΡΑΣ, deas vero Medicas ΣΩΤΕΡΑΣ appellarent, singulari quodam modo eos honoraturi. Quin iidem etiam, proinde vt reliquae gentes, ex praesentissimo quouis remedio praesentes etiam sub humana specie deos colligebant. Pleni sunt philosophorum libri, plenae gentium memoriae, plena vetustatis monimenta, marmora atque nummi, in quibus ΘΕΟΥΣ ΕΠΙΦΑΝΕΙΣ, DEOS, quos Graecia in primis Latiumque PRAESENTES coluit, conspicamur. Nec vero inanes vulgo habitae deorum ἐς ἀνθρώπους ἐπιδημίας, maxime si vrbes peculiari cultu sibi consecratas inuiserent; sed efficaces, et salutari quodam auxilio praeditae, quae nempe aut aegris salutem, aut afflictis solatium, aut laborantibus praesidium afferrent. Praeclare hanc in rem ὁ Θεὸς ΙΑΜΒΑΙΧΟΣ. Ἡ μὲν τῶν Θεῶν ἐπιφάνεια δώσας πάρεχαι ἀγαθῶν μεγίστων. y) Deorum praesentia bonorum maximorum praebet largitiones. Et alibi varia illa bona, quae Numina aduentantia mortalibus largiebantur, enumerans, primo loco ΥΨΕΙΑΝ ΣΩΜΑΤΟΣ, CORPORIS

SANT-

x) Serm. III. ad Graecos Infideles, y) de Myster. Aegypt. Sect. II.
P. 42. Cap. VIII.

SANITATEM, recenset. z) Ita ΙΣΙΝ κατὰ τὰς ὕπνους τοῖς ἀξίῳσι δίδοναι βοηθήματα, ISIDEM in somnis, si quis opem expetierit, manifestam numinis praesentiam exhibere, in toto prope orbe διὰ τὴν ἐν ταῖς θεοποιήσεως ἐπιφάνειαν, ob praesens in medicando numen suspici, DIODORVS aa) testatur. AMPHITRUVONIS vxori, quum parturienti vteri dolores, qui solent puerperae, exorirentur, deos immortales, vt sibi auxilium ferrent, inuocanti, vox audita est:

Alcumena, adest auxilium, ne time,

Et tibi, et tuis propitius coeli cultor aduenit. bb)

Tunc ipsa sine doloribus edidit gemellos.

§. VIII.

HIS ita generatim expositis, de DIIS MEDICORVM, quos GRAECI olim colebant, iam mihi singulari opera agendum erit. Quum autem facile prospiciam, multas fabulosas narratiunculas hic loci inueniri: delectum quidem instituiam, ea, quae certiora atque exploratiora mihi videbuntur, in medium allaturus. Neque in omni prorsus commemoranda Ἀποθεώσεως ratione versabor, sed ea tantum, quae, selectione quadam habita, huc pertinent, communicabo. Nec mei fert ratio instituti, vt fabularum expositiones, easque siue physicas, siue morales, adiiciam, vtpote quibus incertius mihi vnquam visum est nihil. Illi forte a vero non aberrant, qui CYBELEN, magnam deorum matrem, a Phrygibus primum, deinde a Graecis etiam, atque Romanis cultam, quin et PROMETHEVM atque BACCHVM, huic adscribunt numero; eorum vero res maiori sane obscuritate laborant, quam vt in luce clarissima collocari queant. Hoc certissimum quidem, atque cum fide historica conueniens est, MERCVRIVM siue HERMETEM ex IOVE et MAIA, ATLANTIS filia, natum, summos ob Medica beneficia in Graecis oris accepisse honores. Verum multo celebriorem nominis famam PRIMVS adeptus est deus

z) Cap. VI.
aa) Lib. I. p. 22.

bb) PLAVTVS in Amphit. Act. V.
Sc. I. v. 12.

deus medicorum, APOLLO seu PHOEBVS, SERAPIS Aegyptiis dictus, cc) cum sororibus suis, ARTEMIDE ET PALLADE, quae vtraque in perpetua virginitate vixisse traditur. Hi tres IOVIS ex LATONA, SATVRNI filia, et ex cerebro suo, suscepti liberi, quoniam aegrotantibus praesens tulerant auxilium, diuinis a Graecis ornati sunt honoribus, eamque ob causam a SOPHOCLE τριῖνοι Ἀλεξιμόχοι, *trini malorum mortisque vindices* appellantur, atque a choro exorantur, vt Martem, pestis auctorem, propulsent, in Oedip. tyran. v. 168. seqq. Μοῖσος ῥόφῃκει, in quibus paullo ante triplicis illius prolis nominatum facta erat mentio, ita se habent:

ΤΡΙΣΣΟΙ ΑΛΕΞΙΜΟΡΟΙ προφάνητέ μοι,
 Ἐπὶ πόλε καὶ προλέγας ἅτας ὕπερ
 Ὀρνυμένας πόδες, ἠνύσατε
 Ἐκλεπῖκαν φλόγα πῆμαδες,
 Ἐλθέτε νῦν, ὦ πόποι.

APOLLO hic ille est, a quo Medicina, ars Apollinea hodieque dicitur, et qui in monetis ΣΩΤΗΡ, atque in poetarum carminibus ΑΛΕΞΙΚΑΚΟΣ vocatur. Elegantem eiusmodi Lapitharum in Thesſalia nummum, qui ΑΠΟΛΛΩΝ ΣΩΤΗΡ inscribitur, et in quo hinc APOLLO cum stella, illinc APOLLINIS lyra comparet, in lucem produxit EZECH. SPANHEMIVS, l. c. p. m. 382. qui et ex EVRIPIDE, PINDARO, CALLIMACHO, ceterisque auctoribus, probauit, inuentionem Medicinae huic Deo esse tributam. Qua occasione id mihi in primis obseruatu dignum videtur, medicae μαντικῆς seu *fatidicae* inuentionem APOLLINI vindicatam; quo nomine IATPOMANTIN, VATEM MEDICVM, ipsum appellauit AESCHYLVS, Enumenid. v. 62. De hoc et OVIDIANVM illud decantatur: dd)

*Inuentum Medicina meum est; opiferque per orbem
 Dicor; et herbarum subiecta potentia nobis.*

Hunc vna cum AESCVLAPIO iurari voluit HIPPOCRATES:

cc) auctore PETRO CASTELLANO, qui Graecas quondam litteras in academia Louaniensi

cum plausu docuit, in Vit. illustr. Med. p. 12.

dd) Metamorph. Lib. I. v. 521.

TES: "Ομνυμι ΑΠΟΛΛΩΝΑ ΙΗΤΡΟΝ καὶ Ἀσκληπίον, καὶ Ὑγείαν καὶ Πανόκειον. Conf. I. H. MEIBOMIVS in Iusiurand. Hippocr. cap. III. Vt adeo non nimis ego quidem dubius ancepsque haeream, ΠΥΘΙΑ, seu Ἀγῶνας Πυθίης, qua voce ludi Apollinares intelliguntur, in huius APOLLINIS MEDICI siue SALVTARIS honorem in Graecia sub monte Parnasso quondam fuisse celebratos. Atque hoc inde mihi fit credibile, quoniam horum certaminum non solum in marmore Ancyrano, verum in nummis etiam, iniicitur mentio, ΙΕΡΩΝ nempe ΑΓΩΝΩΝ ΤΩΝ ΜΕΓΑΛΟΑΣΚΛΗΠΕΙΩΝ ΤΕ ΚΑΙ ΠΥΘΙΩΝ. Vid. Inscript. Ancyrae adhuc existantem post DOVSAM et COSSONIVM a TOVRNEFORTIO feliciter exscriptam, atque a MONTFAUCONIO editam, Palaeograph. lib. II. c. VI. APTEMIN Σωτρίσαν, eamque Δοχρίσαν, parturientes implorabant mulieres, et, quoniam his suppetias ferre credebatur, ἄνδρες ἰδία Θεῶν μάλιστα ἀγῶνα ἐν τιμῇ, *viri seorsim praecipuo hanc deam honore profecuti sunt*, teste PAVSANIA. ee) Hanc partus Praesidem deam excipit PALLAS, etiam Σωτρίσα, quam IVPITER ex suo cerebro suscepit, et cuius in honorem PERICLES simulacrum aeneum τῆς Ὑγείας Ἀθηνῶς erexit. Quam ut medici patronam suam venerentur, hortatur OVIDIVS, ita canens: ff)

*Vos quoque, Phoebea morbos qui pellitis arte,
Munera de vestris pauca referte deae.*

§. VIII.

CONSEQUITVR iam ALTER illustrior medicorum deus, AEscVLAPIVS, APOLLINIS filius, qui temporibus expeditionis Argonauticae in tanta versabatur celebritate, vt reliqui medici ab eo se *Asclepiadas* nominare non dubitarent. Is artem, quae antehac satis adhuc rudis indigestaque erat, tanto excoluit studio, vt vulgo illius haberetur repertor. PLVTARCHVS certe haud veretur scribere, τὰς ἰατρὰς ΑΣΚΛΗΠΙΟΝ ἔχοντας ἱσμεν ἡγεμόνα, *Medicos Aesculapium*

pium scimus habere ducem. PINDARVS quoque vates Lyricus, ab eximia sanandi peritia eundem celebrat:

- - - - - Ἀσκληπίον
Ἄρωα, παντόδαπαν ἄλκινα νεσῶν.

I. E.

- - - - - *Aesculapium*

Heroam, quorumvis propulsatorem malorum.

ΠΥΘΙΩΝ, Γ. v. 12. 13. ed. ERASMI SCHMIDII. Mitto nunc heroas, CHIRONEM, HERCVLEM ΑΛΕΞΙΦΑΡΜΑΚΟΝ, gg) IASONEM, AETAM, eiusque coniugem HECATEN, duasque filias, CIRCEN et MEDEAM, ORPHEVM item, PELEVΜ, ACHILLEM, PATROCLVM, HELENAM, et Aesculapii filios, MACHAONTA, PODALIRIVM, et reliquos Medicorum deos deasque inclytas, ad AESCVLAPII Ἀποθέωσιν, prout ea ad praesens argumentum quadrat, potius declarandam perrecturus. Hanc annis ante Troiae expugnationem LIII factam esse, CLEMENTEM ALEXANDRINVM satis locupletem excito testem. Adeo multa, eaque maximopere insignia, sana huic valetudinis Praefidi in tota, quacunque patuit, Graecia erant consecrata, vt eorum numerus iniri vix possit. At nullibi tamen diuiniorei, quam PERGAMI, habebantur honores, quippe quum Pergamenorum DEVS haberetur ΠΑΤΡΩΣ. hh) Vnde MARTIALIS lib. VIII. Ep. 17. canit:

Consilium formae speculum dulcesque capillos

PERGAMEO posuit dona sacrata Deo.

In primis AESCVLAPIVM celebrabant Pergameni, tanquam

C 2

magnum

gg) Ita Meliteneses, PAVLLVM vbi vidissent, absque vilo damno suo viperam, quae manui eius sese implicauerat, excussisse, Θεὸν αὐτὸν εἶναι εἶλεγον, Deum illum esse statuebant, nempe Herculem, qui in ea insula colebatur, Ἀλεξιφάρμακον, Act. XXVIII, v. 6. Pagani enim sole-

bant πάντα ποιεῖν τι παραδόξον Θεὸν νομίζεν, pro deo quemlibet habere, qui mirabile aliquid ederet, notante OECVMEONIO ad h. l. p. 101. ed. Veron. A. CIO 13. LII.

hh) Vid. Ill. SPANHEMIUS in epist. ad MORELLVM. p. 212.

magnum ΘΑΥΜΑΤΟΠΟΙΟΝ, qui omnia ἐπὶ σωτήρια ἀνθρώπων, ad salutem hominum conferat. AELIVS ARISTIDES, orator Pergamenus, sexcenta eiusdem exaggerauit miracula, tum vero exclamat: ΑΣΚΛΗΠΙΟΥ ΔΥΝΑΜΕΙΣ ΜΕΓΑΛΑΙ ΤΕ ΚΑΙ ΠΟΛΛΑΙ! AESCVLAPII VIREs MAGNAE SVNT ET MVLTAE! Eidem dicitur ille ὁ Θεὸς ΠΑΣΑΣ ΕΧΩΝ ΤΑΣ ΔΥΝΑΜΕΙΣ, OMNES HABENS VIREs, ἐν τῇ Λαλιᾷ εἰς Ἀσκληπίον T. I. p. 36. edit. Oxon. SAMVEL. IEBB, A. CIΩ ΙΟCC XXII. Tanta huius Medicinae Praesidis erat celebritas, vt Romanos etiam principes Pergamum curationum causa se contulisse, relatum legamus. Quum post GETAE fratris caedem secreta quaedam Ianiena CARACALLAM torquere coepisset, Pergamum ille adiit, ASIAE ciuitatem, vt AESCVLAPII curationibus vteretur, ἡπέρχθη εἰς Πέργαμον τῆς Ἀσίας, χρήσασθαι βεβλόμενος Θεραπειᾶς τῆ Ἀσκληπίου, HERODIANO auctore, Lib. III. cap. VIII. Diuinam ei virtutem l. c. adferit ARISTIDES: εἰσὶν οἱ Φασιν ἀναστῆναι καί μενοι, ὁμολογέμενοι δὴ περ λέγοντες καὶ πάλαι τῷ Θεῷ μελετωμένα. *Sunt qui dicunt, se mortuos resurrexisse: ea dicentes, quae certa et in confesso sunt, et a Deo AESCVLAPIO iam pridem factitata.* Huc, praeter alia multa, ΨΗΦΟΙ pertinent, quos ab AESCVLAPIO acceptos praedicat idem egregius sophista. *Ego certe, inquit, vnus ex iis sum, qui non bis DEI beneficio vitam recuperauerunt, sed multoties, quique propterea morbum utilem iudicant, πρὸς δὲ καὶ ΨΗΦΟΥΣ ΕΙΛΗΦΟΤΩΝ, ἀνθ' ὧν ἔγω γ' ἂν εἰδὲ σύμπασαν δεξαίμην τὴν ἐν ἀνθρώποις λεγομένην εὐδαιμονίαν, praeterea ex iis sum, qui CALCVLOS ACCEPERVNT; quos ego quidem cum omni, quae apud homines appellatur, felicitate commutare nolim; περὶ Ὀμονοίας ταῖς πόλεσιν, T. I. p. 520. Vbi quidem MICHAELI ROSSALLO, clarissimo Graecae linguae atque artium in Alma Groningensi et Omlandica Academia Professori, in erudita de Regno Pergameno commentatione paullo obscurius visum, quid per ΨΗΦΟΥΣ sibi voluerit ARISTIDES: nobis vero ad ἐπιφανείας AESCVLAPII, in somno medicinam praescribentis, respexisse videtur. Tum vero, quoniam plurali vtitur numero, singularem etiam laudem ante oculos, ni fallor, habuit, quam ex orationibus suis ab*

AESCULAPIO reportauit. Colligere mihi hoc licuit ex eius *Ἱεροῖς Λόγοις* passim, et ex fine *τῆς Δαλίας εἰς Ἀσκληπίον*, vbi. τὸν ψῆφον ΣΤΥΝΘΗΜΑ dicit, et sibi orationes habenti hunc adesse DEVM, et *calculum adiicere, παρεῖναι τε καὶ ἐπιψηφίξεν. τὰς λόγους*, praedicat. Quod si vero in somnio rem improbasset, hanc adhibet *Φράσιν· ὁ δὲ Θεὸς τὴν ἐναντίαν* scilicet *ψῆφον, ἐτίθετο, ἐν τῶν Ἱερῶν Λόγων πρώτῃ*, Tom. I. p. 287.

§. X.

PERGAMENI hunc Deum ΣΩΤΗΡΑ et ΣΩΤΗΡΑ ΘΕΟΝ, et quasi nomine proprio, ΤΟΝ ΣΩΤΗΡΑ vocarunt; vnde *ὑδὼρ ἀπόγε τῷ ἱερῷ καὶ τῶν πόδων τοῦ ΣΩΤΗΡΟΣ ἡρμώμενον*. Tantumne? Quin etiam ille ὁ τῶν ἀνδράπων γένης ΣΩΤΗΡΑΣΚΛΗΠΙΟΣ iisdem audiebat. Tantumne? Minime gentium: verum et θεῶν ο ΠΡΑΟΤΑΤΟΣ καὶ ΦΙΛΑΝΘΡΩΠΟΤΑΤΟΣ. Plenae sunt ARISTIDIS, studiosi AESCULAPII PERGAMENI, si quis alius, et deuoti cultoris, orationes, in primis εἰς τὸ *Φρέαρ τῷ Ἀσκληπίῳ*, et *περὶ ὁμόν. ταῖς πόλεσιν*, ceterisque his similibusque titulis, honorificentissimisque nominibus. Nimius ille AESCULAPII admirator *περὶ Ὀμονοίας* scribit: *ὑπὸ τῷ ΚΑΛΛΙΣΤΩ ΚΑΙ ΤΕΛΕΩΤΑΤΩ*, Tom. I. pag. 520. Fanum, quod Pergami erectum erat AESCULAPIO, Η ΚΟΙΝΗ ΤΩΝ ΑΝΘΡΩΠΙΩΝ ΕΣΤΙΑ, ἧς ἀτέλεστος μὲν, ἐδέξαι δὴπε τῶν ὑφ' ἡλίῳ, ARISTIDE *περὶ Ὀμόν.* auctore, habebatur. Namque vniuersam Asiam scribit Εἰς ΑΣΚΛΗΠΙΟΝ ΤΕ ΣΥΜΦΟΙΤΗΣΑΙ, καὶ τελεθῆναι τὰ πρῶτα τῶν ἱερῶν ὑπὸ τῷ καλλίστῳ καὶ τελεωτάτῳ δαδῶχω καὶ μυσαγωγῷ, ad AESCULAPII FANVM simul *commeasse, et ab optimo perfectissimoquo toedisfero ac Mystagogo primis esse sacris initiatum*. Vid. ARISTIDES *περὶ ὁμόν.* Tom. I. p. 520. Add. PHILOSTRATVS in Vita Apollonii Tyanei, Lib. III. Ex hac ipsa consuetudine, qua tota Graecia Asiatica ad Aesculapii templum Pergamenum confluit, occasionem arripuerunt ΤΟΝ ΘΡΟΝΟΝ ΤΟΥ ΣΑΤΑΝΑ APOCAL. II, 13. 17. de AESCULAPII FANO PERGAMENO interpretandi, MICH. ROSSALLVS, et THEODORVS HASAEVS, viri celeberrimi, in Bibliotheca Bremensi, opere longe ele-

gantissimo, Class. III. Fascic. I. p. 93-104. Non equidem sum nescius, aliis aliter hic placere; sed nolo me hisce immiscere certaminibus; praecipue quum in meis non situm sit viribus, tantas componere lites. Verum PL. REV. PRAESES mihi declaravit, se, oblata occasione, quid hac de re sentiat, libere dicturum: cuius arbitrio rem omnem relinquo. Neque adeo, mea quidem sententia, mirum, ob tot miracula et curationes AESCVLAPIO adscriptas, tot a veteribus nummos cufos, quorum inscriptiones ostendunt, earum memoriam variis in locis ludorum festiuitate fuisse celebratam. Inspiciatur MORELLII tabula XIII, vbi sunt illae, quas testes citavi, inscriptiones: ΑΣΚΛΗΠΙΑ. ΣΩΤΗΡΙΑ. Quo tamen loco neminem poenitebit, ea, quae vir summus EZ. SPANHEMIVS de Praest. Num. Diss. V. p. 383. et in Epist. ad Morell. l. §. II. e veterum monumentis collegit, haud segniter contulisse. Sed de Medicorum nummis deinceps exponendi commodior mihi locus dabitur. Hic autem tacitus nequeo praeterire, inscriptionem, quae in columna Mesinenfi apud C. PATINVM p. 69. in Thesaurο T. Mauroceni legitur; ΑΣΚΛΗΠΙΩ ΚΑΙ ΥΓΕΙΑ ΣΩΤΗΡΕΙΝ ΠΟΛΙΟΥΧΟΙΣ. Confer GRVTERVM in Inscr. p. 68. n. 5 HVBERTVS GOLZIVS in N. insularum Graeciae Tab. XX. nummos septem habet, quorum in vna parte caput cernitur barbatum, ab altera serpens vel in gyrum vel baculo circumuolutus cum inscr. ΚΩΙΩΝ ΣΩΤΗΡ, vbi indicari AESCVLAPIVM nullum est dubium. Quin etiam AESCVLAPIVS SOTER itidem inscriptus in nummis Nicaensium ΣΩΤΗΡ ΑΣΚΛΗΠΙΟΣ, aut ΣΩΤΗΡΙ ΑΣΚΛΗΠΙΩ ΝΙΚΑΙΕΙΣ. Cuius maxime exemplo Medici olim, id quod iam obseruauimus, *Σωτῆρες* appellati; quem honorem PANACIO Medico contigisse, apud ARISTAENETVM Lib. I. Epist. XIII. relatum legitur. Hos duo titulos ΣΩΤΗΡΩΝ καὶ ΙΑΤΡΩΝ coniunxit CHOSROES, Persarum Rex, in epistola ad Mauritium Imperatorem, in histor. Theophili Simoc. p. 185.

§. XI.

DICI non potest, quam honorati hoc aevo ASCLEPIADAE, vel, si mauis, Aesculapii sacerdotes fuerint, quippe τῶ Θεῶ δῶλοι, *Dei serui* a PAVSANIA vocati, PRAXAGORAS, DIOCLES CARYSTIVS, aliique. Erant illi praecipui tunc temporis medici, qui ab ipso AESCVLAPIO genus ducere gloriabantur. Habebant commodiora apud Aedem domicilia, eiusdemque fruebantur redditibus. Hae autem fortunae erant omnino variae, prout lautiores huius templi, quam alterius, erant redditus annui, atque donationes. Cuiusmodi munera homines copiosiores, eosque liberalitatis laudem adepturos, sacerdotum sodalitati donasse, vetustum probat marmor, a SPONIO in Miscell. Eru- dit. antiqu. Sect. II. p. 52. descriptum, quo singularia enarrantur beneficia in hunc sacrum ordinem a SALVIA MARCELLINA, nobili ac locuplete matrona, large effusae collata.

§. XII.

PHILOSOPHI, qui hoc tempore arti medicae vacabant, suo studio effecerunt, vt Asclepiadae eos aemulandi incredibili cupiditate incenderentur. Hac mente scholas medicas, quas nonnulli cum academiis nostris conferunt, mature instituerunt, eo quidem euentu, vt singularibus artis incrementis magnam sibi nominis famam parerent. Fama celebres apud Graecos antiquitus fuerunt scholae non paucae, RHODIA in primis, CROTONIENSIS, CNIDIA, COA, et SMYRNAEA. Ex CNIDIA schola prodiit CTESIAS, qui ARTAXERXIS tempore in Persia vixit, et in aula sedecim ipsos annos medicinam exercuit. CROTONIENSEM illustrauit DEMOCEDES, cui DARIVS, Rex Persarum, inter captiuos apud ipsum agenti, acceptum restitutae fannitatis beneficium magnis diuitiis et honoribus rependit; non sine insigni humanitatis, qua nihil magis medicum commendat, in DEMOCEDE exemplo. Quum enim Rex medicos Aegyptios, qui ipsum in principio morbi imperite tractassent, occidi iussisset, ille culpa huius veniam impe- trauit,

trauit, et gratiae loco habuit concessam illis cum vita libertatem. COAE denique scholae celebritatem propagauit HIPPOCRATES, de quo nunc plura commentarer, nisi medicorum extra Graeciam honores a nobis considerari, temporum iuberet ordo. Ad magnum fastigium in gente IYDAEA hoc interuallo adscendit ars medica; quod SALOMO, regum sapientissimus, illius haud vulgarem sibi comparare notitiam, sua maiestate non iudicauit indignum. In cuius rei fidem FLAVIUS IOSEPHVS, ii) atque EVSEBIUS, kk) testes citandi. Consimili etiam ratione apud AEGYPTIOS, antiquos illos omnis verae sapientiae propugnatores, tanto fuit in honore scientia medica, vt ne reges quidem ipsi illam facere infra dignitatem suam existimauerint. OSIRIN ET ISIN in primis reginam medendi peritia excelluisse, accepimus. Huc quoque pertinet NECHEPSVS, rex Aegypti, quem D. D. CLERICVS ll) perhibet CCCXLIII annis Salomone posteriorem fuisse: quod tempus incidit in illum Aegypti Regem, qui in sacris PHARAO NECHO, apud HERODOTVM mm) vero NECOS vocatur. In PERSIA Rex CAMBYSES medicos optimos magni aestimauit, eiusque filius CYRVS ipsemet medicinae non parum deditus fuit, teste XENOPHONTE. nn)

§. XIII.

IN antiqua Graecia, quae nos ad se reuocat, nouum explorauit honorem, quem medici eo nacti sunt, quod POETAE, quorum inter populos profanos maxima erat dignitas, medicinae colendae operam nauare non erubuerunt. Noti sunt poetae medici, ORPHEVS, MVSAEVS, MELAMPVS, HESIODVS, ASCRAEVS vates, EPIMENIDES, atque THALES Cretenses, et, si nominum positiones ex meritis pensan-

ii) Antiquit. Iudaic. Lib. VIII. p. 257. seq.

kk) quem ANASTASIUS Episcopus Nic. Quaestio. XXVIII. in scripturam allegauit.

ll) dans l'Histoire de la Médecine. mm) Lib. II. et III.

nn) Cyropaed. lib. VIII. p. m. 145. seq.

penſandae forent, primo loco memorandus HOMERVS, et ob medicinae peritiā, et graecae linguae proprietatem medicis cum maxime commendandus. Hinc etiam HIPPOCRATEM Ὁμηρικὸν τὴν φράσιν, Homericum dicendi genus imitari, GALENVS alicubi obſervat. Dignum eſt, quod hic non omittatur, HOMERI eſſatum: Ἰητρὸν πολλῶν ἀντάξιον ἄλλων. Tum vero etiam PHILOSOPHI MEDICI multum dignitatis ſalutari attulerunt diſciplinæ, THALES MILESIVS, PHERECYDES Syrius, PYTHAGORAS Samius, nec non Crotonienſes, ALCMAEON, PIRITHOI F. Pythagoraeque auditor, EMPEDŌCLES et ACRON, Agrigentini, EPICHRMVS CoVS, TIMAEVS LOCVS, DEMOCEDES, DEMOCRITVS, HERACLITVS Ephēſius, DIAGORAS, MELIVS, SOCRATES, antiquae philoſophiae decus ſingulare, et ex barbaris ad Graecos peregrinatis, XAMOLXIS, Thracum ſive Getarum philoſophus, atque ABARIS, Scythæ hyperboreus. Hoc quoque æuo medicina Gymnaſtica, ab HERODICO Selymbrienſi, vt videtur, introducta, haud ſane exilem medicis conciliauit honorem, atque declarauit, prudentes hos viros de valetudine hominum tuenda ſollicitos, noua in dies, eaque maxime ſalutaria, inuenire ſubſidia.

§. XIII.

NUNC nouum temporis interuallum, idemque primæ periodi poſtremum, attingam, quod inde ab HIPPOCRATE, id eſt, ANNO Olympiadis LXXX PRIMO, qui fuit A.C.N. CCCCLX, in hiſtoria medica numerari ſolet. Scholas iam ſupra medicas non ſine laude commemorauī, ſed ceterarum omnium gloriam COAE obſcurauit ſcholæ felicitas, poſtquam ex illa prodierat, qui primus hanc diſciplinam a ſtudio ſapientiae ſeparauit, atque ἱατρὸν φιλόσοφον ἰσόθεον nominauit, diuinus HIPPOCRATES COVS, magnum et venerandum nomen, medicinaeque parens. Is non tantum ſapientiſſimis præceptis artem hanc formauit, ſed et ipſe vita et moribus perfectiſſimum medici exemplar expreſſit. Tanto itaque viro maximi honores deferébantur, neque hi modo a Cois
D
ſuis,

fuis, qui imagine ipsius nummos signarunt, oo) sed etiam ab vniuersa Graecia, quae communi concilio, quod venientem ab Illyriis pestilentiam praedixerat, discipulosque ad auxiliandum circa vrbes dimiserat, honores illi, quos HERCVLI, decreuit; vt memoriae prodidit PLINIVS, H. N. Lib. VIII. cap. XXXVII. Ciuem porro adscripserunt Athenienses, auro coronarunt, et victum illi et posteris in Prytaneo dederunt, pp) qui honos in Graecia maximus habebatur. Athenienses enim, cultissimi scientiarum omnium aestimatores, hanc artem plurimi semper fecerunt, apud quos antiqua lege cautum fuit; *Ne quis seruus, neue qua femina medicinam disceret*; qq) et tam ab iis, quam ab aliis Graeciae ciuitatibus, honores et immunitates eximia publica cura medicis concedebantur, rr) sicut et Aegyptiis medicis ex publica pecunia dabantur praemia. Hic loci posset aliquis nobis reclamare, non adeo magnam medicis hoc aeuo fuisse dignitatem, ob ὠδύαν quippe, et suillos mores, reliquo hominum generi vehementer odiosis. Hoc mihi dubium mouenti duo, quae respondeam, in numerato habeo. Primum Comici antiquis nihil fuit sollemnius, quam innocentes etiam conuitiis lacerare homines. Cui adsertioni SOCRATIS exemplum fidem in historia facit philosophica. Comici enim tantum sunt, qui inter veteres communi quasi prouerbio suo per Hippocratis filios, id est, medicos, homines imprudentes, ineptisque moribus, denotarunt. Ad hos prouocant ATHENAEVS, ss) GALENVS, tt) alii. Alterum, quod responsi loco dare potero, illud est, quod comici non omnes in vniuersum, sed tantum aliquos medi-

oo) vid. nummus HIPPOCRATIS a Cois signatus, in fronte orationis V. C. R. MEADII infra excitandae. Accepit eum ex Thesauro Regis Galliarum copiosissimo.

pp) SORANVS in vita HIPPOCRATIS.

qq) PETITVS Leg. Attic. Lib. III.

Tit. VIII. HYGIVS fab. CCLXXIII.

rr) LVCIAN. Abdicat. p. III. 457.

ss) Deiphnosophist. Lib. III. cap. XVII. εἰς εἰς ὠδύαν κωμωδεμένους οἶδε.

tt) Libro, quod animi mores sequantur temperamentum corporis, p. 346. ed. Graec. Basil. εἰς ἐπὶ μωρίᾳ σκώπτειν οἱ κωμικοί.

medicos, ob suillum ingenium traduxerint. Ita enim EVPOLIDI Ἱπποκράτης ΠΑΙΔΕΣ ἐμβόλιμοι ΤΙΝΕΣ disertò dicuntur, quos ARISTOPHANIS Scholiaſtes nominatim adduxit, TELESIPPVM nempe, DEMOPHONEM atque PERICLEM, homines obscuros. A particulari vero ad vniuersale N. V. C.

§. XV.

RELICVA sunt nonnulla ex HIPPOCRATIS COI æuo de medicorum honoribus annotanda. Vt DEMOCEDIS ætate principes viri, florentesque ciuitates, optimum quemque et celeberrimum medicum lautissimis aucto-
mentis alliciebant, et apud se retinere conabantur: sic HIPPOCRATIS æuo fuisse, reperimus. Ipse enim, patria Coa relicta, in Thessalia vixit, et filius THESSALVS Archelao, NICOMACHVS autem, Aristotelis stagiritæ pater, AMYNTAE, Macedonum Regibus, erant addicti. Qui tunc in urbem aliquam veniebat, medicus a magistratu, vel populo, sicubi democratia erat, medicæ artis exercendæ facultatem impetraturus, ei oratio publica recitanda erat, qua declararet, quisnam esset, quibus praeceptoribus in medicina colenda vsus, quos homines ad confirmanda artis præcepta secutus esset, breuiter, an rationis et experientiae culturam amico sociauisset foedere. Id certe Athenis obtinuisse, ex XENOPHONTIS uu) recensione satis perspicua haud licet obscure colligere. Quemadmodum vero etiam, canente VIRGILIO, Lib. I. Georg. v. 153.

- - - - inter nitentia culta

Infelix lolium, et steriles dominantur auenae:

ita hac etiam tempestate homines erant, qui artis honores imminuebant, pecuniae quidem parandae, ostentandaeque artis studiosi, at in arte parum versati. Iactat medicorum parens ea de re vltro citroque in scriptis suis querimonias, idque vnum dolet, solos medicos delinquentes nulla in re publica

D 2

poena

uu) de factis et dictis Socr. Lib. III. p. m. 498.

poena coerceri, praeterquam ἀδοξίας seu ignominiae, famaeque iacturae. vv) Verum addit, hanc non afficere eos, qui toti, quanti sint, ex infamia sint compositi. Sed hoc etiam antiqui docent annales, eo maiorem nominis famam reportasse EVRYPHONTEM, PHAONTEM, PHILISTIONEM, ARISTONEM, EVDOKYMNON, CNIDIVM, AESCHINIS F. THEOMEDONTEM, CHRYSIPPVM, MERINEI F. CNIDIVM, METONEM Atheniensem, aliosque vel Medicinae solius, vel eiusdem cum philosophia coniunctae, laudibus excellentes. NICOMACHVS, quem modo memoraui, AMYNTAE, Macedonum Regi, ita carus erat, vt cum eo viueret *πατρὸς καὶ φίλος χρεία* h. e. vt nostri more saeculi loquar, archiatri et consilarii dignitate conspicuus.

§. XVI.

Post HIPPOCRATIS coe aetatem maximi, quos Graecia Medicis habuit, honores summo ingenio excitauerunt homines, vt Medicinam callere laudi sibi ducerent. ARISTOTELES in primis hereditario quasi iure ad se pertinere hanc artem ratus, quippe quum ab Aesculapio genus deriuaret, Medicinam non didicit tantum, sed et factitauit, teste AELIVNO, V. H. Lib. V. cap. VIII: librosque de plantis, de Anatomicis, et *ιατρικῶν* etiam edidit, DIOGENE LAERTIO in vita eius auctore. Quin et medendi scientia M. ALEXANDRI beneuolentiam sibi primum conciliauit; quem quum graui morbo oppressum liberaffet, hanc ab eo facultatem Rex inuictissimus doceri voluit, neque illam interdum exercere, vile, aut a summa sua Maiestate alienum iudicauit, PLYTARCHO, qui vitam eius descripsit, teste. Cui quidem exercitationi commodissima erat Mieza, villa scilicet regia. a vulgi frequentia remotior, otioque tranquillo satis idonea. ALEXANDRI M. vero splendore, dici non potest, quantum Medicina fuerit ad omnes gentes propagata. Aegyptus erat Graecis hominibus permixta, Alexandria ipsa, Aegypti metropolis, commerciis cum gentibus remotioribus erat accom-

accommodata, eademque Indis per sinum Arabicum nunc faciliora. Quo etiam tempore schola Alexandrina coepit esse florentissima. Nec minus reliqua per vniuersam Asiam expeditio, et Graecarum coloniarum vbiuis erectarum copia, Medicorum dignitatem auxit. Etenim postquam Graeci Macedones auspicio ALEXANDRI M. totius Asiae, aliarumque regionum potiti essent, quemadmodum omnia ad mores cultumque victoris sese accommodare solent, ita religio quoque medica ab illo ipso tempore per longe maximam orbis partem sic inualuit, vt Aesculapii atque Serapidis cultus vbique ciuitate quasi donaretur. Alter Aristotelis discipulus, isque regio itidem diademate et purpura ornatus, PTOLOMAEVS erat PHILADELPHVS, Lagi cognomine dictus; vt alios, qui in minore vixerunt dignitate, mittam. Eos vero; a me impetrare nequeo, vt tacitus praeteream, quibus ALEXANDER, quum in maximo vitae discrimine versaretur, salutem suam credere non veritus est, PHILIPPVM ACARNAN, CRITODEMV M, ALEXIPPVM praecipue, castra eius in Indiam secutum, cui verbis ad humanitatem compositis gratias egit ipse Rex, scripta epistola, quod Peucestam a morbo restituerit, teste PLVTARCHO. Nec valde dubito, ARABES simul cum armis litterarum studia tractantes ad hunc referre temporis articulum: saltem ii commemoratione digni mihi videntur. Iis enim saeculis, quibus foeda barbaries ceteras fere nationes obduxerat, penes eos permanfit artis huius scientia. Deficiunt quidem hac in parte annales medici, et linguae suae difficultatibus inuoluta in bibliothecarum forulis latent, quae de medicorum historia gentis illius scriptores memoriae mandarunt. Speciminis autem loco ex ineditis eorum monumentis perspicere licet, tanti ab illis habitam medicinam, vt non tam ministri, quam consilarii, atque adeo affines Regum, essent medici, et terrarum reditus, et vrbiū praefecturae illis haud raro in mercedem cederent. In antiquo MS. Arab. Osaibae de vitis medicorum memoriae proditum legitur, *quindecies centena millia drachmarum* Imperatoris medico, annuo stipendio fuisse. Drachmas hic non Atticas, sed Arabicas intelligi,

ligi, res ipsa indicat. GRAVIVS, veterem Atticorum drachmam grana 67. Anglicana, Arabicam vero $47\frac{1}{2}$. exaequare annotauit. Vid. GREAVE'S Discourse of the Roman Denary p. 61. 115. D. D. MEAD in oratione Harueiana, p. 13. istud aes ad pecuniam in Anglia vsitatam exegit, eamque plus, quam *trices mille librarum* summam conficere cognouit. Hae nostra erunt computatione *centies septuagies millia Imperialium*, quos ex Gallica moneta Anglis nostri soluunt mercatores. Ingens sane nimis et forsan vix credibilis haec principum videretur munificentia, nisi ipsi Regum affines apud Arabes habiti essent medici.

§. XVII.

IN Graecia vt huic etiam aetati Medicinae sua gloria stetit atque eximia artis dignitas: ita ex meritis honestauit celeberrimos Duumuiros, HEROPHILVM Chalcedonensem, atque ERASISTRATVM, maximum PLINII, lib. XIII. cap. VII. testimonio, medicum. Horum, qui sub initiis Antiochi soteris, Syriae regis, floruerunt, discimus exemplis, idem Medicae arti, quod et aliis liberalibus disciplinis, olim vsu venisse, vt Professores eius in diuersas sectas distinguerentur. Sectae enim Herophileorum et Erasistrateorum, quae ab his auctoribus profectae sunt, annos circiter cclx eximia laude celebrabantur. Huius rei testem cito locupletem STRABONEM Geogr. lib. XII. sub fin. cuius verba huc adscribam: Μεταξὺ τῆς Λαοδικείας καὶ τῶν Καρῶν ἱερὸν ἐστὶ Μηνὸς Κάρις καλούμενον, τιμώμενον ἀξιολόγως· συνέστηκε δὲ κατ' ἡμᾶς διδασκαλεῖον Ἡροφίλειον ἰατρῶν μέγα ὑπὸ Ζεύξιδος, καὶ μετὰ ταῦτα Ἀλεξάνδρου τῆ Φιλαλήθους· καθάπερ ἐπὶ τῶν πατέρων τῶν ἡμετέρων ἐν Σμύρῃ τὸ τῶν Ἐρασιστρατείων ὑπὸ Ἰευσίης· νῦν δ' ἔχ' ὁμοίως τι συμβαίνει. Inter multos igitur ac varios honores, qui medicis olim tributi sunt, singularis ille est, quem a SMYRNAEIS, ii, qui alterutri harum sectarum se addixissent, acceperunt, vt nomina illorum in NUMMIS; tanquam in illustri monumento, collocarentur. Hi enim, quo medicae artis professorum famae ac dignitati consulerent, eos magno numero cuden-

dendos curarunt; sicut antiqua testantur rudera. Eiusmodi nummos Reu. EDMUNDVS CHISHULL, S. T. B. dum Smyrnae commoratus est, sibi comparauit, quos attentiori cura expendens, ex nominibus et figuris inter se collatis ad rem medicam pertinere, mox deprehendit. In patriam redux, eos cum D. D. RICHARDO MEAD, Regii Medicorum Collegii Londinensis sodali, communicauit, qui hinc occasionem nactus est dissertationem de NUMMIS quibusdam a SMYRNAEIS in Medicorum honorem percussis, elaborandi, quam postea orationi anniuersariae Harueianae, in Theatro Regii Medicorum Londinensium Collegii, de Medicorum apud veteres honore A. D. XVIII OCTOBRIIS CIO 1800 XXIII habitae, adiecit, Londinique apud S. BVCKLEY CIO 1800 XXIII 4. publicae luci exposuit. xx) Quum haec dissertatio, a nobis semel iterum atque saepius non sine insigni animi voluptate perlecta, in terris nostris rarior sit: iuuat potiora eius momenta recensere. Duplex nummorum series, aeneis tabulis incisa, profertur: quarum altera medicorum nomina, altera varia Deorum salutarium simulacra repraesentantur. NUM. I. tres exhibentur nummi, quorum in auersa area Σ ΜΥΡΝΑΙΩΝ Ξ ΕΥΞΙΣ, SMYRNAEORVM XEVXIS, legitur. Is est ZEUXIS ille Herophileus, magnae istius prope Laodiceam scholae magister, et sectae cuiusdam medicae auctor et antesignanus, teste STRABONE. NUM. II. duo exstant nummi, in quorum auersa parte Σ ΜΥΡΝΑΙΩΝ ΙΚΕΣΙΟΣ apparet. Hic vero est HICESIVS scholae Erasistrateae in Smyrna vrbemagister, teste eodem STRABONE. NUM. III. duo iterum sunt nummi, in quorum altera conspicitur area: Σ ΜΥΡΝΑΙΩΝ ΑΠΟΛΛΟΦΑΝΗΣ, id est, APOLLOPHANES seleucensis, Antiochi M. medicus, auctore POLYBIO, Lib. V. NUM. IIII. quatuor inueniuntur nummi, quorum in trium aduersa parte inscriptum: Σ ΜΥΡΝΑΙΩΝ ΙΑΤΡΟΔΩΡΟΣ, adaptato scilicet ad medicinae professionem ΙΑΤΡΟΔΩΡΙ nomine; quartus autem habet: Σ ΜΥΡΝΑΙΩΝ ΙΑΣΩΝ ΙΑΣΩΝΟΣ, hoc est,

xx) Conf. Acta Eruditorum Latina ad A. CIO 1800 XXVI. mens. April. p. 166. seqq.

est IASON IASONIS F. NVM. V. tres conspiciuntur nummi: Ξ ΜΥΡΝΑΙΩΝ ΑΘΗΝΑΓΟΡΑΣ inscripti. NVM. VI. quatuor adhuc nummi comparent. Primus inscribitur: Ξ ΜΥΡΝΑΙΩΝ ΣΕΡΑΠΙΩΝ, alter: ΠΑΣΙΚΡΑΤΗΣ, tertius ΜΗΤΡΟΔΩΡΟΣ ΠΑΣΙΚΡΑΤΟΥΣ, h. e. METRODORVS PASICRATIS F. quartus, idemque vltimus: Ξ ΜΥΡΝΑΙΩΝ ΕΡΜΟΓΕΝΗΣ ΤΡΙΚΚΑΣ, Hermogenes Triccae, vrbe Thessaliae, patria quasi Asclepiadarum, natus. HOMERVS certe ita de hac canit vrbe, et ei vicina *Ithome*, IL. B. v. 729.

Οἱ δ' εἶχον ΤΡΙΚΚΗΝ καὶ Ἰθάμην κλωμακώεσσαν,
Τῶν αὖθ' ἠγείδην Ἀσκληπίε δύο παῖδε.

§. XVIII.

PRIMVS ZEUXIDIS nummus in aduersa area *caput muliebre laureatum* ffitit, quod, reiecta eorum antiquariorum, qui APOLLINEM Ἰηλῶν muliebrem descriptum, contenderunt, opinione, HYGIAE, Aesculapii filiae, Londinensis Medicus vindicauit. In hac confirmatur coniectura, quoniam cum Aesculapio, quicum eundem honorem nata erat, coniuncta reperitur, siquidem in auersa area simulacrum AESCVLAPII, qui ΑΣΚΛΗΠΙΟΣ ΖΕΥΣ dictus est, yy) eiusque, Iouis more, sedentis, caput strophio reuincti, palliati, smilam, seu gladiolum chirurgicum, manu sinistra tenentis, et dextram labio admoventis, conspicitur. Ab eius dextro latere baculi protensi apex, ante pectus astrum eminet. Idem astrum in IATRODORI et ATHE-NAGORAE nummis conspicitur, in HICESII vero, METRODORI, et omnibus, quos repraesentat, Erasistrateorum nummis abest; vnde suspicio nascitur, proprium Herophileae forsan scholae signum hoc fuisse astrum. In aliis, praeter idem muliebre caput, altera ex parte ISIDIS sacra, palmae nimirum ramus, et ex cauo aere manus sinistra deformata, porrecta palma, comparent. Tertium nummorum genus in aduersa area *caput turritum* Matris deorum,

SI-

SIPYLENAE, tutelarī Smyrnaeorum deae, zz) nec non in auerſa ſimulacrum REGINAE ISIDIS, ſanitatī praeſidis, exhibet. Nummi hi omnes a pag. XXVIII vſque ad XXXIII recitantur; poſtea vero eorum ſequitur expoſitio, vna cum ſubiectis notis, iisque ex interiori antiquitate petitis p. XXXV vſque ad LVI, vbi diſſertatio feliciter explicat. Si quis hoc mouere dubium conetur, Aeſculapium, vt ſacerdotem potius, quam medicum, nomen ſuum in nummis inſcribendi habuiſſe poteſtatem: iis ita fit ſatis, cum ISIDEM, tum AESCVLAPIVM, diuinos ſuos honores medicae arti primum debuiſſe. Itaque quum templis ſacrisque caerimoniis illos, tanquam Numina, Smyrnaei adornauerint, medicosque potiffimum *ἱερείας* ſeu potius *ἀρχιερείας* iſtis elegerint: artis cauſſa, quam cum diis iſtis communem habuerunt, ornamentum vtrumque in eos collatum fuiſſe, non immerito coniicimus. Neque enim ſummi ſacerdotis dignitas perpetua, ſed annua tantum fuit, ſi LVCIANO credendum, qui de ſummo SYRIAE DEAE ſacerdote hoc diſerte teſtatur: *Ἀρχιερεὺς ἄλλος ἐκάστῃ ἔτεος ἐπιγίγνεται*. Vt igitur ſacerdotum AESCVLAPII magna erat apud Smyrnaeos excellentia: ita credibile, ſummo potiffimum ſacerdoti, eique vrbis medico, celebratis ludis ſacris Aeſculapicis, ad conſeruandam dignitatis ſuae memoriam, permiſſam fuiſſe annuam poteſtatem nummos huc ſpectantes proprio ſuo nomine ſignatos emittendi. Is in ſacris

E

Perga-

zz) Hinc ſanum eius nobiliſſimum, *μητρῶον* Smyrnaeis dictum, ARISTIDI vero ναῶν ὁ καλλίστος τῆς εὐληχίας θεᾶ τὴν πόλιν. Eam vrbis vtraque iurauit in Smyrnaeorum et Magnetum foedere v. 60. 61. 71. *Ομνύω διὰ γῆν καὶ τὴν μητέρα τὴν ΣΠΙΤΑΗΝΗΝ* h. e. iuro Iouem, tellurem, et Matrem SIPYLENAM. Vbi in mar. Oxoniensī male vertitur: per terram. Nam

διὰ in iurandi formulis alterum caſum ſecum habet, vt apud DEMOSTHENEM, *διὰ πυρὸς ὁμνύειν*. Vnde inter deos, quos S. C. et Principum Conſtitutionibus heredes inſtitui conſeſſum fuit, enumerari reperimus *Apollinem Didymacum, Dianam Epheſiam, MATREM DEORVM SIPYLENEM, quae Smyrnae colitur*. Vlp. Tit. XXII. §. 6.

Pergameni sophistae declamationibus *Ἱερεὺς*, nec non *Ἀσκληπιακὸς κατ' ἐξοχήν* dici videtur.

§. XVIII.

A GRAECIS ad ROMANORVM tempora deuenientibus minus augusta, primo quidem adspectu, et parum honorifica, sese offert rerum medicarum facies. Ignobilem et seruilem medicorum, apud veteres olim Romanos viuientium, fuisse conditionem, vulgo creditur; et pulsos vrbe exulasse medicos, M. PORCIO CATONE censore, scriptis prodiderunt nonnulli. Haec in opprobrium artis prolata, quodnam habeant fundamentum, meae partes sunt ditquirere. Vtar vero hac in re exploranda vtraque, quae in historia requiritur, virtute, *ἀκριβείᾳ*, atque distinctione: acturus primum de *origine medicinae Romanae*, hinc, quid de *eius exilio statuendum* mihi videatur: ac denique *conditionem* eiusdem curatius exponam. Spondeo etiam, me composita mente ad hanc cognoscendam causam accessurum. Ad *originem* igitur medicinae Romanae quod attinet, eam vltimis iam temporibus perlatam esse Romam inuenio. Morbos enim, et sanitatis Praefides, mature suspiciebant Romani, febrem pro deo colebant, ipsique sanum, vel si DALECHAMPIVM aaa) mauis sectari, tria Romae fana, consecrauerant. Nec non priuatis morbis auerruncos deos, et Syluano deo, noctu puerperas vexanti, tres deas, INTERCIDONAM, PILVMNAM et DEVERRAM opponebant. Quo pacto, publica quadam calamitate in ciuium vitam ac valetudinem saeuiente, APOLLINI, AESCVLAPIO, SALVTI DEAE, dona deuota sint, quaeque caerimoniae obseruatae, ex nemine melius, quam ex LIVIO, Romanae historiae principe, intelligi poterit. Certe APOLLINI A.V.C.CCCXXI aedes deuoueantur: AESCVLAPIVM item EPIDAVRO Romanam A.V.CCCCLX arcesitum, Epitomae docent Liuianae, Lib. XI. Maius dicam: DIONYSIVS HALICARNASSENSIS auctor

aaa) ad etc. Lib. III. Cap. VII, de Nat. deor.

auctor est, contra vtramque luem, quae A. V. CCLXXXII et CCCI Romae grassata sit, nec medicamenta, nec medicos quidquam valuisse. Addit idem, propter curantium inopiam multas desolatas familias. Ex qua narratione colligo, iam tum Romae medicos fuisse, eosque Graecia, vnde et totum Aesculapii cultum petierant Romani, in urbem peruenisse. Verum hos in arte non nimis profecisse, eiusque publica nulla edidisse specimina, iudico. Iam igitur certum est, hos Graecos fuisse, quoniam a Graecis omnis scientia Romam translata fuit. Quum vero ipsum Graecorum nomen Romanis esset odiosum: vix credibile videtur, homines ingenuos, et apud suos dignitate florentes, quae stus ergo Romam migraturos, ibidemque ludibrio populi sese exposituros fuisse. Vnde mihi verisimilius fit, humiles potius seruos medicorum Graecorum Romam concessisse, vilissimo in pretio habitos. Sane quum medicina gymnastica oriretur, homines erant, qui primo tempore, medicorum iussu ac praescriptis, frictiones, sudationes, vnciones, balnea, distorsorum repositiones, fractorum vulnerumque curationes, administrabant, vtpote viliora, medicique persona tantum non indigna negotia. Hi erant seruili conditione, vocabanturque reuinctores, alyptae; tum vero lucrum aucupaturi, suis auspiciis, talia peragebant, mox Patroliptarum, mox medicorum, affectantes nomen. HIPPOCRATES etiam inter medicorum *ὑπηρέτας, seruos* disertis numerat verbis, eosque experientiam magis, quam rationem, ducem atque magistram consecratos, enarrat. bbb) Hinc, dic, quaeso, mihi, digni erant, qui medicorum, i. e. arte excellentium nomine honorarentur? Hoc mihi quidem nemo persuadebit, etsi omnem nauauerit operam, vt me hanc in opinionem adducat.

§. XX.

PRIMVS autem e medicis in Vrbe artem publice eruditeque professus est ARCHAGATHVS, Lysaniae filius, qui

E 2

L. AR-

L. AEMILIO ET M. LIVIO COSS. A. V. ID XXXV, Peloponneso relicta, Romam sua sponte se contulit. Cui vix aduentanti tantus honor a S. P. Q. R. habitus est, vt *ius Quiritium ei datum sit, et taberna in campito Acilio emta ob id publice.* ccc) Sic artem, cuius luculenta specimina ARCHAGATHVS haud dubie dederat, meritissimis prosequabantur praemiis. Ita capio PLINIVM lib. XXVIII. Cap. I. scribentem, populum Romanum ante hoc tempus vltra sexcentos annos medicis, h. e. viris in arte expertis, caruisse. Iam demum medicina in formam artis redacta Romam peruenit: serius certe, quam disciplinae vtilissimae postulauit necessitas, *rudi scilicet et bellicosa ciuitate non magnopere liberalibus disciplinis vacante.* ddd) Nec Grammaticam quidem aut Poeticam, ante annum quingentesimum excoluerunt Romani. Atque hac ratione viam mihi paraui de *medicina exule*, quaestionem, calumniam rectius dixerim, paucis expediendi. Nulla certe antiquorum annalium fide, nullis veterum monumentorum indiciiis, hoc nititur commentum. Primus, quod sciam, in vulgus edidit, vanissimus ille de vanitate scientiarum scriptor, CORNELIVS AGRIPPA, eee) quem secuti sunt alii, medicae disciplinae indigni aestimatores. Ansam vero ad hoc fingendum dedit allegatus PLINII locus, vbi scriptor, *populum medicinae auidum, eam expertam tandem damnassee*, adductis etiam CATONIS ad MARCVM F. aduersus hanc artem diatriis, memoriae mandauit. Ex his verbis nego sequi, tantum valuisse, aut atrocem animum, aut auctoritatem CATONIS, vt medicos Vrbe pelleret. Rem, prout historici narratio fert, eloquar atque explicabo. CATO Graecos omnes inueterato afficiebat odio. Romani omnes Graecis parum fauebant, ex antiqua, nescio qua, vaticinatione certiores reddit, magna eos mala quandoque Romae illaturos. Erant inter Graecos, qui Romanos barbaros dicebant, et spurcius eos, quam alios, opicos appellatione foedabant. Romae
vbiuis

ccc) PLINIVS H. N. Lib. XXVIII.
Cap. I.

ddd) SVETONIVS, Lib. de Illustr.
Gramm. initio.

eee) Cap. LXXXIII.

vbius leue infidumque. Graecorum habebatur ingenium. A multo iam inde tempore medicorum ὑπηρέται stupidi artisque ignari plurima, cum hominum periculo, experimenta fecerant, quaestus cupidi, et pretium vitae humanae constituentes. Nimiam et ab artis praeceptis abhorrentem secandi vrendique saeuitiam exercuerant, medicinamque in odium adduxerant, quasi non alio, quam carnificinae, loco habenda foret. ARCHAGATHI igitur aduentus, eiusque ars spectatissima, tanto iis laetior acceptiorque initio erat, quo magis illius erant pertaesi carnificinae. At successu temporis factum, ut et hic vir artis suae, ut tum erant tempora, callentissimus, certis vlceribus ac vulneribus eandem secandi vrendique curam, quam tamen ipsa inperauerat ars atque misericordia, opponeret: istorum eorundem hominum forsitan vsus opera. Cuius igitur ars quum etiam hominum Romanorum expectationi non semper faceret satis; quandoquidem OVIDIO canente: fff)

Non est in medico semper, releuetur ut aeger,

Interdum docta plus valet arte malum:

eam ita expertam tandem damnabant, nihili pendebant, et aspernabantur. Confundebant eos, qui mercede, rudi Minerva, manu infelicissime curabant, cum eo, qui artem non semper feliciter succedentem erudite sagaciterque colebat. Hunc igitur non minus, quam illos, suspectum habebant, quasi in perniciem Romanorum coniurauerint; maxime quum experientia iam diuturna edocti essent, multos iam homines ea curatione interiisse. Haec ratiocinandi ratio nec CATONIS rigore, nec populi indigna erat imperitia. Sed licet hac CATONIS, hominis superciliosi, aetate, non perpetua fuerit medicinae fortuna: faustiora tamen breui sidera eidem illuxerunt. De his deinceps mihi dicendi locus dabitur.

§. XXI.

NUNC demum, an seruilis fuerit medicorum apud Romanos

E 3

manos degentium conditio, descriptius ostendendum. Sunt qui hos omnes seruos fuisse, opinantur, vt ROBERTELLVS, vna cum aliis eidem sententiae patrocinantibus. Clarissimus autem vir, IACOBVS SPONIVS, Miscell. erud. antiq. p. 144. medicinam Romae professos censet ingenuos omnes, et libertos fuisse, ac indigne fert, ROBERTELLVM, eiusque sequaces, adserere, *Romae tantum seruos medicinam exercuisse*. In qua lite dirimenda omnium cautissime, nisi nos omnia fallunt, versabimur, si medicos a medicastris cum cura discreuerimus. Primi igitur medicastri Romani, id quod paullo ante ex historia retuli medica, erant serui, abiectissimaeque conditionis homines. Hos etiam postea semper, vt fieri solet, inter vilia mancipia extitisse, non dubito. Ad medicos vero quod attinet, hi erant partim ingenui, partim serui, iique melioris indolis. Primus, qui ingenuis viam parauit, ARCHAGATHVS erat, vir sine dubio liber ac honestus. Huic eidem rei argumento sunt SEXTIVS NIGER, IVLIVS BASSVS, CAIVS VALGVS, CORNELIVS CELSVS, MACER, SCRIBONIS LARGIVS, alique medici omnes ingenui. Nec vero seruis artis medicae cultura prorsus erat interdicta. Eadem scilicet fata medicinae fuerunt, ac liberalium litterarum, quae maxime quidem ingenuos decebant, in vniuersum autem seruos, si ingenio valerent, ob merita manumittendos aliquando, non excluderunt. Neque enim existimandum est, eos post manumissionem demum litterarum studiis initiatos fuisse. Ac diuites quidem Romae in ceteris seruis vrbanae familiae et medicos habuisse, praeter alios etiam PIGNORIVS docet in commentario de seruis: quos SENECA ggg) *domesticos et familiares medicos* appellat. Eiusdem huc pertinet locus sat celebris: hhh) *tenebatur inclusus Domitius, imperauitque medico, eidemque seruo suo, vt sibi venenum daret*. AVGVSTVS in epistola ad Agrippinam: iii) *Mitto praeterea cum*

eo

ggg) de Constantia Sapientis initio. iii) SVETONIVS in Caligula cap. hhh) Lib. III. de Benefic. Cap. VIII.

eo ex seruis meis medicum. His seruis si fides adfuisset integritasque, hac via ad libertatem emergere; manumissi a Dominis suis, et maioribus rebus plerumque admoti.

§. XXII.

EVDDEM in censum referri ANTONIVS MVSA meretur, qui, postquam eius opera ex ancipiti morbo conuallerat OCTAVIVS AVGVSTVS, statuam, aere collato P. R. L. M. Q. posuit, referente SVETONIO in vita AVGVSTI, cap. LVIIII. AVGVSTVS eidem quoque ius annuli aurei et immunitatem, nec ipsi solum, sed omnibus medicinam profitentibus, in posterum tempus concessit, DIO H. R. Lib. LIII. sub finem. Errat SPONIVS ex VIuiratu Augustali Charmi Medico tributo concludens, quod munus istud inter prima ciuitatum officia emineret, eum ingenuum et nobilem fuisse. Namque ad hunc eundem aditus nec libertis erat praeclusus, quin potius illis etiam delatus, atque aere saepius redemptus; id quod sequens ex MERCVRIALIS variis lectionibus Lib. III. petita, inscriptio declarat:

P. DECIMVS. P. L. EROS
M. VLA, MEDICVS
CLINICVS, CHIRVRGVS
OCVLARIVS. VL. VIR
HIC PRO LIBERTATE DEDIT H. S. L.
HIC PRO SE VIRATV IN REMP.
DEDIT, H. S. ∞. ∞.

SPONIVS iam notatus omnes Romae medicos ingenuitati asserturus, a vero saepius recessit, τῇ ὑπερίσσει δελεῖσθαι. In hac enim inscriptione:

M. LATINIVS
MEDICVS
OCVLARIVS.

e Maluasiae Marmor. Fellin. litteras M. L. post LATINII nomen, libertinae conditionis notas, detraxit. In hac

M. ALLIVS PAMPHILVS
MEDICVS.

MALLIVS, cum IVSTO FONTANINO in Antiquitatibus Hortae, explosa interpunctionis ad praenomen distinguendum

dum notula, legendum. Inde colligendum, illum e seruorum grege, nec ciuitate adhuc donatum fuisse, quum praenomine, quo omnes utebantur ciues, careret. Non igitur ars erat seruilis apud Romanos medicina, sed liberalis et tanto in honore, vt etiam seruis et exili forte hominibus, qui in ea colenda multum posuerant operae, libertatem saepe daret, et magnas opes. Tali erant conditione CALPURNIVS ASCLEPIADES, qui a diuo TRAIANO septem ciuitates impetrauit. 10. SPONIVS, Recherches curieuses Diss. XXVI. inscriptionem hac de re affert, in eo iure meritoque vituperandus, quod liberalitate non temere fingenda septem vrbium imperium ab Imperatore ipsum obtinuisse, hinc concludat. Hic potius genuinus illius sensus est, hunc Asclepiadem, e gente Calpurnia manumissum, praeter Romanae, sex aliarum ciuitatum iura ab Imperatore obtinuisse.

§. XXIII.

QVAE quum ita sint, perspicuum est, mediam nos viam tutius elegisse, atque, non inuita veritate, credere, medicinam et ab ingenuis ac nobilissimis viris cultam, et a seruis litteratissimis exercitam fuisse. Hinc HIPPOCRATES inter medicorum *ἰπποκράτης*, ingenuos etiam numerat, qui artem cum rationibus a magistris discunt. Nec M. T. CICERO medicinam inter honestas artes referre dubitauit, Lib. II. de Officiis Cap. XLII. Hos peregrinos IVLIVS CAESAR, Vrbi, bellis ciuilibus exhaustae, pristinam copiam redditurus, vt apud SVETONIVM est cap. XLII. *omnes medicinam Romae professos, ciuitate donauit.* Principum medicis annua statuebatur merces. Iis autem, referente lib. XXVIII. Cap. I. PLINIO, *imputauit Stertinius, quod quingentis sestertium millibus contentus esset, quum sexcenta quaestu Urbis sibi esse, numeratis domibus ostenderet.* Ipse vero et frater eius sua pecunia Neapolin operibus exornarunt, et tamen *census trecenties centena millia sestertium heredi reliquere.* Omitto plura exempla memorare, neque Cassios, Calpetanos, Arruntios, Albutios, Rubriosque sistam, Romana nomina, quae professione medicinae et opibus cla-

ruerunt. In nummis Rubriorum, quum medicinae laude olim floruerint, DEAE SALVTIS, vna cum angue, signum ideo conspici, vero fit simile. Vt adeo mirum sit, in istis nummis explanandis neque PATINVM atque VAILLANT, viros de re nummaria praeclare meritos, hanc arti suae adeo honorificam attulisse explicationem. Nec obstat, alias etiam familias, vt IVNIAM et ACILIAM, non medicinae, sed publici negotii causa, atque adeo ipsos Imperatores, eam suis inscripsisse nummis. Certum enim est, Rubriam gentem medicinae gloria falsisse, eam vero HYGIAM, Aesculapii filiam, pagani homines, vt ARNOBIUS Lib. III. ineunte refert, in *Superiorum censum* cum Concordia, Pace, Victoria, et id genus aliis, *retulerunt*, aris et magnificis delubris, tanquam numina, religiose venerantes, quod ibidem ille egregie confutauit. VARRO etiam Lib. III. de LL. Cap. X. SALVTEM in Deabus numerat. De *Hygia*, Graeco nomine, supra inscriptionem vidimus: de SALVTE, Latino interpretamento, vnicam addimus CXIII. REINESII ex classe I. AESCVLAPIO EPIDAVRIO ET SALVTI: vbi societas numinis declarat, quae SALVS intelligatur, videlicet sanitas siue salubritas, cui diua illa praesidere credebatur. Confirmat inscriptio CXXIII. eiusdem classis: AESCVLAPIO ET SANITATI. In summa, tam splendida Romae fortuna erat medicorum, vt etiam Imperatorum saepe amici essent ac familiares, siue primi et secundi loci, seu inferiorum essent ordinum, prout ingenui vel manumissi, ob insignem artis peritiam honore digni erant. Ex dictis diiudicanda, quae CONGERS MIDDLETON, S.T.P. Academiae Cantabrigien- sis Protobibliothecarius, vir elegantis ingenii, protulit in dissertatione de Medicorum apud veteres Romanos degen- tium conditione, qua contra Viros celeberr. IAC. SPONIUM, et RICH. MEADIVM, M.D.D. seruilem eam fuisse ostenditur. Huius accuratam recensionem in ACTIS ERVDITOR. LIPS. AN. CIOCCCXXVII mens. Martii p. 126. seqq. et AN. CIOCCCXXVIII mens. April. p. 182. seqq. inuenire licet. Haec enim ad controuersiam spectant, quae de medicorum ho- noribus in Britannia constata est.

§. XXIII

HI vero seruorum medicorum honores; tantum abest, vt medicinae dedecus concilient, vt magno potius eidem sint ornamento. Erectior enim indoles hominis est liberali disciplina digni. Vt igitur, si ingenium fauisset, nec litterarum studia seruis erant interdicta, vt essent amanuenses; anagnostae, a bibliothecis: ita, cur a medicina debuissent auocari, ego quidem causam perspicio haud sane vllam. Erant hi potius necessarii, et cuique familiae, si quis in morbum incideret, statim ad manus. Ac initio quidem in Vrbe bellicosa vulnerum medici ac chirurgi in pretio fuisse videntur; id quod ARCHAGATHI, ciuitate et taberna publice emta donati, patere exemplo, mihi persuadeo. Paullatim vero etiam medicina clinica inualuit, et iidem, qui antea manu tantum curauerant, medici, morbis etiam internis medebantur, et in medicorum clinicorum censum veniebant. Nullum ergo idoneum antiquitatis testimonium in medium proferre valeo, vnde concludendum, medicos inter et chirurgos Romae, ante CAESARVM tempora, distinctionem, eamque in primis ratione vitae conditionis spectatam, obtinuisse. CORN. CELSVS, qui hac partitione vsus est, TIBERII, vt multi censent, certe CAESARIS vixit temporibus. Nobis etiam, praeunte in artis medicae historia DAVIDE CLERICO, dubium videtur, an ista partitio CELSI aeuo reuera in vsu fuerit. Id modo sibi voluit ille, medicinam ita diuidi debere. Vbi tamen hoc vltro damus, medicos quosdam vni medicae artis parti maiorem, atque adeo separatam, destinasse operam, aliosque morbis, alios vulneribus, et alios denique oculis curandis vacasse, nec tamen plane ab internis medicamentis, id quod nec hodie fit, sese abstinuisse. Idem iam HIPPOCRATIS COI factum erat aetate, vt CICERO refert lib. III. de Orat. cap. XXXIII. indeque credibile est, idem tum quoque Romae vsu euenisse. Hinc toties in antiquis inscriptionibus serui medici, chirurgi, ab oculis, clinici, alique memorantur. Nec vero omnis haec ars seruilis fuit, sed ab ingenuis etiam et nobilissimis ingeniis exercita. Ii serui, qui erecta indole incitati, genuinam medicam artem, rationis et experientiae bene-

beneficio, colebant, si non eodem plane, simili tamen, quum per scientiam suam ad libertatem emerissent, perfruebantur honore ac dignitate. Sic dum p. 143. numero VII ILLUSTRIS CELADIANVS aliquem recitat, TI. CAESARIS AVG. SER. is non simpliciter *medicus*, sed, adiecta conditionis nota, MEDICVS OCULARIVS vocatur, idemque CHIRVRGVS OCULARIVS apud GRVTERVM p. 400. n. 7. appellatur. En sat amplam dignitatem, si non ingenui status, libertinitatis tamen, testimonium, coniunctam p. 416. n. 8. MEDICVS OCULARIVS SEX. VIR. COL. IVL. FANESTRIS. Discernendi igitur in hac caussa ii serui, qui ingenuam a natura faultrice nacti erant indolem, quique eandem secuti, medici honoratiores euaserunt, ab aliis haud paucis seruis, qui humi reptantes, ad libertatem adspirare haud poterant, et nonnisi officia medicorum seruilia faciebant, per quae PROPERTIVS, Lib. III. El. X. ea intelligit officia, quibus maxime corpus exercetur, quaeque in opere mercenario et seruili versantur. Patet ergo, quo sensu lib. III. decret. L. I. codic. de decret. decur. liberalium studiorum antistites, et qui medendi cura funguntur, seiungantur. Nec video, quomodo clarissimus Academiae Cantabrigienfis doctor, MIDDLETONIVS, a liberalibus disciplinis artem medicam semper distinctam fuisse, hinc euincere valeat. Idem ex Lib. XXVI Princip. de oper. libert. eandem tenuissimam medicorum conditionem, nunquam, licet tentet, eliciet. „Vbi medicus libertus, quod multo plures sibi *imperantes* habiturum putaret, si liberti sui medicinam non facerent &c., legitur. Undenam, quaeso, probabit, *medico imperare* veteres pro *medicum aduocare* dixisse? Stilo potius Romano *medicis imperium* tribuitur. PLINIVS Panegy. L. XXII *aegri quoque, neglecto medentium imperio, ad conspectum tui, quasi ad salutem sanitatemque praeperere.* IMPERIO, i. e. PRAESCRIPTO, siue PRAECEPTO. Vt vero hodie accidit, sic olim erat. Aegri medicorum nolebant parere imperio, sed medicis aegri imperare cupiebant.

§. XXV.

SERVATA medicorum dignitas et aucta fuit a CAESARIBVS. Amplum in Vrbe Collegium AESCVLAPII et HYGIAE fuit, LX
F 2 viro-

virorum, cuius leges laudatus SPONIUS Sect. II. Art. XI. ex Romano marmore descripsit exposuitque, quod utique in honorem medicinae institutum fuerat. Immunitate gauisi sunt, ab ANTONINO et DIOCLETIANO, MAXIMIANOQVE A.A.A. concessa, lege I. et V. Cod. de Professorib. et medicis. Quid quod *medicis et philosophis, ne hospitem reciperent, a principibus fuisse immunitatem* indultam, Imperatores VESPASIANVS et HADRIANVS rescriserunt Leg. vlt. §. vlt D. de mun. et hon. In primis CONSTANTINVS M. Leg. I. Cod. Theod. de Medicis et professoribus, *medicos grammaticos et professores alios litterarum, immunes esse cum rebus, quas in ciuitatibus suis possident*, praecepit. Interpolauit legem TRIBONIANVS et *doctores legum*, quos posthabuerat CONSTANTINVS, adiecit; etiam *de salario reddendo* admonuit. Contra restrinxisse ad solos paene *archiatros* videtur, quae CONSTANTINVS omnibus medicis concesserat. *Medicos*, inquit, et MAXIME *archiatros, vel ex archiatris* etc. Sed, quidquid huius rei est, ortum habet ex confusione trium diuersarum legum CODICIS THEODOSIANI, eodem titulo, sub diuersis coss. latarum, quas in vnain confluuit TRIBONIANVS, quasi vno tempore latas, quum, ceteris coss. praeteritis, solos primae nominauit, quod sollemne eidem est, et saepius castigatum ab IACOBO GOTHOFREDO, viro non minus historiae et antiquitatis, quam legum Romanarum consultissimo. kkk) Deinde, post hos omnes IULIANVS, qui, nisi nominis maculam fixisset hostile erga CHRISTI amicos odium, inter sapientissimos Imperatores iure censeretur, non sine honorifico vtilitatis artis medicae testimonio, superiorum Principum decreta de Medicis, lege lata, sanciuuit, eosque a curialibus muneribus liberos esse voluit. Conf. IULIANI Epistol. Sed de medicorum honoribus apud populum, terrarum orbis dominum, satis, opinor, dictum fuit.

§. XXVI.

EXISTIMAREM, huic proposito meo quidquam defore,
nisi

kkk) Vid. CHRISTOPHORI CELLARII Origines et Antiquitates medicae, cap. de XCVI Ha-

lae in publica dissertatione propositae, §. XXII.

nisi de APOLLONIO illo TYANENSI, qui saeculo P. C. N. I. claruit, nonnulla commentarer. De hoc vero nihil hodie nobis notum esset, nisi IULIAE, SEPTIMI SEVERI, coniugis, iussu, quae DAMIDIS, si fides homini, qui eos offerebat, commentarios nacta erat, PHILOSTRATVS, insignis Sophista, hoc suscepisset negotium, vt expolitos ederet. De his nitide publicandis egregie meritus est, qui eos ex MSS. CODD. recensuit, notis perpetuis illustrauit, ac versionem totam paene nouam adiecit, GOTTFRIED OLEARIVS, CIOCCC VIII. Dici non potest, quam anilibus fabulis, insulsisque narratiunculis, referta ista sit vitae descriptio. Vt adeo, me quidem iudice, illi, qui veritatem amant, vtilitatem sibi polliceri nequeant tantam, quantam Graeci sermonis, elegantissimaeque Atticae *διὰλέκτα* studiosi. His enim non solum ARISTOPHANES, veteris Comoediae facile princeps et scriptor *Ἀφίκαράτος*, et, qui praeter hunc purioris Atticismi rationem habuerunt, prisca Graeciae oratores, atque ex historicis, THUCYDIDES et XENOPHON, diurna sunt notiturnaque manu versandi, verum ii etiam, qui e recentioribus veterem Attice loquendi modum imitati sunt, idcircoque Atticistarum nomine celebrantur, quibus et PHILOSTRATVS annumerari debet. Sed hoc quoquo modo sese habet, meum exigit institutum, vt medica APOLLONII merita, eique hoc nomine decretos honores, suffragante veritate, paucis exponam verbis. Hoc statim perspexi, libereque adfirmo, antiquae dignitati Medicinae nihil decedere, etiamsi res huius hominis gestae in historia medica non legerentur. Is PYTHAGORAE mores ac medendi rationem in orbem reuocauit, quae non abhorrebat ab incantationibus, aliisque superstitionis caerimoniis, quibus fauebat doctrina de spiritibus et animabus defunctorum, in aere circumfuso tantisper oberrantibus, donec notis includantur hospitibus. Inde manauit porro praxis expiationum, lustrationum, et id genus alia theurgica, aut, si mauis, magica. Neque caret probabilitate, eum inter Aesculapii sacerdotes et philosophos Indos, qui morbos expellere edocti erant, a iuuentute versatum, multa ab iis arcana didicisse. His igitur instructus praesidiis, ad PYTHAGORAE exemplum, varias instituit peregrinationes, et forte haud paucis sanitatem restituit. Hac via RENATI PYTHAGORAE sibi conciliauit opinionem,

et pro miraculis eiusdem curationes homines habuerunt superstitiosi.

§. XXVII.

SED de Ἀποθεώσεσ, quam quidam erudiri viri APOLLONIO vindicant, actum et conclamatum esse puto. Verba PHILOSTRATI, quae ex illius Apologia coram DOMITIANO edita petunt, nihil probant. Postquam enim AVGVSTVS quaerit: τὴν χάριν οἱ ἄνθρωποι θεόν σε ὀνομάζουσιν; III) *Cur Deum te homines vocant?* Respondet ille, ὅτι πᾶς ἄνθρωπος ἀγαθὸς νομιζόμενος θεῷ ἐπαυμύεται τιμᾶται. Quoniam vir omnis, qui bonus existimatur, Dei cognomine honoratur. In eadem Apologia suspicionem aut flagitatae, aut a quoquam receptae, Ἀποθεώσεως, de se propulsat: εἰδ' αἶτ, οἶδα πῶς ἐν δέμιας, ἐν ἣ ἔδοξε ξυνόντας Ἀποθεώσασθαι. Nec ciuitatem noui ullam, ubi decretum fuerit, ut publice Apollonio sacra fierent. Ex quibus verbis hoc tantum colligendum, priuatos, eosque diuinos in sensu improprio dictos, eidem adhuc viuo tributos honores. Aut PYTHAGORAE amici tam excelsae magnificeque de se sunt locuti: id quod SCHEFFERVVS multis euicit testimoniis; mmm) aut ipsi superstitiosi, iidemque priuati homines, ob mirabiles θεοπραΐας DEVM nominarunt. Sic etiam LATINI beneficium ac seruatorem DEI appellatione ornant. Ita CICERO ad Quir. post Red. cap. V. *Lentulus Consul, parens, DEVS, salus nostrae vitae, fortunae.* CVRTIVS VII. VIII. 26. *Si DEVS es, tribuere mortalibus beneficia debes, non sua eripere.* Plura eiusmodi exempla dabunt, praeter TERENCEM, alii probatioris notae scriptores. Ea testimonia, quae ii, quibus APOLLONII Ἀποθεώσεως post eius fata placet, adducunt, omni quoque probandi vi destituuntur. In fabulis numero, quae de templis, Tyanensi ac Ephesino, in honorem eius erectis, narrant. Non nisi hoc ex illis probare poterunt, in fanis ac museis APOLLONII effigiem a quibusdam honoris ergo fuisse appensam. Ἀποθεώσιν vero atque miracula ii falso nefarioque conatu iactarunt, qui saeculo IIII atque sequentibus facta magnorum inter paganos heroum cum CHRISTI componebant miraculis, vaserrimi homines,

III) Lib. III. Cap. VII. p. 32.

mmm) de natura et constitutione

philosophiae Italicae cap. VII. p. 41.

nes, HIEROCLES, IULIANVS, EVNAPIVS, aliique. Tantum certe is EVNAPIO, magni nominis sophistae, sui admirationem, religionemque incusserat, vt PHILOSTRATVM, celeberrimum vitae APOLLONII panegyristam, vituperauerit ille, quod BION ΑΠΟΔΑΩΝΙΟΥ inscripserit opus suum, cui titulum iure meritoque facere debuisset, ΕΠΙΔΗΜΙΑ ΕΣ ΑΝΘΡΩΠΟΥΣ ΘΕΟΥ, DEI AD HOMINES ACCESSVS. nnn) Qua quidem appellatione veteres theologos aduentum D. N. I. C. in carnem designauisse, SVICERVVS annotauit Thesaur. Eccles. Tom. I. f. 1136. Nobis igitur hoc tantum dari postulamus, ob medicinam Pythagoraeam magnam sibi peperisse famam APOLLONIVM illum Tyanensem.

§. XXVIII.

Adiicimus postremo loco ANTIQVOS CHRISTIANOS, qui suum erga Medicos honorem et verbis honorificis, et re ipsa declararunt. Iuuat vnum Graecae Ecclesiae doctoris citare testimonium, idemque perspicuum et antiquitate venerandum. GREGORIUS, Episcopus Nazianzenus, artem *ιατρικὴν* appellat *Θαυμασίαν*, ooo) admirabilem, fratremque suum CAESARIVM operam ei iussu Patris dedisse, commemorat, atque hunc fratrem suum tantam in ea sibi peperisse gloriam scribit, vt peritissimi quique primas ipsi concederent. Quum Byzantini ab Imperatore per Legatos peterent, vt vellet urbem principem viro eruditorum principe ornari, atque sic ad ceteras nouae vrbs laudes addere, τῷ Καesarίῳ καὶ λαμπρῶσαι καὶ ἰατρῶ καὶ σκήτροι vt CAESARIO, et Medico et ciue, ornaretur: hoc quoque factum est. Thesaurorum regionum cura ipsi demandata fuit, et Chlamydem gestare eidem licuit. Plurima eiusmodi Patrum loca, in quibus DEVS et SALVATOR cum Medico comparantur, aliasque in honorem Medicorum editas confessiones, ELIAS VEIELIVS, theologus Vlmensis, collegit in *dissertatione Epistolica de summa dignitate et praestantia studii Medici iuxta mentem dumtaxat S. S. Graecorum et Latinorum Patrum ad V. E. Dn. IO. CASP. BEVTTELIVM* exarata editaque Vlmae, MDCCXCII. Quin etiam medici quidam olim ab Ecclesia prisca pro sanctis habiti sunt,

nnn) de vitis philosophorum p. II.

Conf. G. OLEARII notae ad

PHILOSTRAT. de vita Apollo-

nii I. VIII. C. XXVIII, n. 2. f. 396.

ooo) Orat. X. quae est funebr. in laud. Caesar. citante VEIELIO.

sunt, inter quos S.AEMILIANVM, S. ALEXANDRVN, S. ANTHIOCVN, S. ANTIOCHVN, S. ANTONIVN, S. CYRVN, S. CAESARIVN, S. CODRATVN, CORINTHIVN, S. S. COSMVN ET DAMIANVN, S. DIOMEDEM, S. DIONYSIVN, S. EVSEBIVN, S. GENNADIVN, S. HILDEGARDEM, S. IOACHIMVN IAPONENSEM, S. IO. DAMASCENVN, S. IVVENALEM, S. S. LEONTIVN ET CARPOPHORVN, S. LVCAM EVANGELISTAM, S. NICERETAM, S. ORESTEM, S. PANTALEONEM, S. PAPILIVN, S. PHILIPPVN, S. SAMSONEM, S. SANCTVN, S. THEODOTVN, S. THEODOSIAM, S. VRTICINVN, S. ZENOBIVN, recensuit C. B. CARPZOV in dissertatione, Medicos ab Ecclesia pro sanctis habitos sistente, Lipsiaeque MDCCCVIII publicata. In his numeratur CAESARIVS paullo ante laudatus non, vt opinor, immerito. Is enim noluit, enarrante I. C. GREGORIO, CHRISTI abiurare disciplinam, quamuis a IULIANO imperatore maximis esset pollicitationibus incitatus. Dignae sunt, quae huc transcribantur, sententiae aeternitati conservandae: *Quum magnis quotidie dignitatibus ornaretur, maioribus tamen, ac iam in spe positus, dignus habebatur, tum ab ipsis Imperatoribus, tum ab omnibus iis, qui primas secundum eos tenebant. HOC VERO MAXIMVM est, quod non commisit, ut a gloria, aut ab iis, inter quas versabatur, deliciis, animae suae nobilitas corrumperetur. Quin potius, quum multa et magna ipsi suppetere, ad dignitatem tamen hoc PRIMVM erat, quod CHRISTIANVS et esset, et nominaretur: sic, ut alia omnia cum hoc VNO collata ludus quidam ac nugae ipsi essent. Alia enim ab aliis etiam ludi posse, non secus atque in scena, quae celerrime et figitur et dissolvitur, imo facilius fortasse deletur, quam constituitur; ut ex multis huius vitae mutationibus et prosperitate sursum ac deorsum labente, perspicere licet; PIETATEM VERO BONUM VNUM proprium esse, quodque tuto permaneat. Quae elegantissima verba ut finem harum primitiarum Academicarum ornarent, lubens meritoque volui. Quod reliquum est, DEO IMMORTALI de concessis ad hunc laborem viribus deuotissimas persoluo gratias, eidemque studia mea in posterum quoque cominendo. Te vero, LECTOR BENEVOLE, oro atque obsecro, ut humano TVO suffragio ad maiora me tentanda excites, et huic petitioni locum relinquas, quam HORATHI, poetae lyrici, malo, quam meis, exprimere verbis:*

Si quid nouisti rectius istis,

Candidus imperti; si non, his vtere mecum.